

高安縣志

高安縣志卷之十四

人物志

理學 敦行

宦績 閩範

忠義

文苑

隱逸

流寓

造化篤生地靈人傑可法可傳有典有則文行交修行
藏一轍卓哉坤儀節勁松柏亦有名賢偶茲托跡綜述
芳型風教羽翼 志人物

理學

宋

劉恒字有常號實齋西陽人折節向善素慕西澗之高躅
常從晦菴于崇安慶元間嚴道學之禁諸儒貶斥殆盡
桓遯跡邱園陶冶後進及事久論定當道交薦以年耄
力辭

高安縣志

卷之十四

理學

一

元

熊鼎和號梅雪齋岡下人深明道學精窺聖理一時景從
遐邇無間入國學講論太極盡發奧旨功名不繫其念
諸公卿詩歌贈答口稱爲道學先生

明

謝與棟字吉甫號依中塘下入明理欲之辨無干祿之心
壯遊白下與諸君子闡明性學焦漪園祝無功交相推
轂崇正辛未學使陳懋德禮而迎之講學城南尊道書
院士夫咸集著有膚言六則陳公序而梓之學者稱依
中先生

按通志郡乘俱未標理學一門蓋難其人也舊志特

表之以興起聖學之一派然所載不過二三人而已
餘若三劉四傑輩實窺理奧尙未登載因其仕籍已
彰著也今百餘年來孰衍道德之眞傳豈竟芳徽之
莫嗣近如朱文端之著作闡明正道直入聖域然其
誠意正心之學具見于經濟事業是又已行道而不
必復贅也故仍其舊未有增加

高安縣志卷之十四

宦績

漢

陳夫乞豫章建城人秦二世元年陳涉起夫乞萃徒蜀水之北築壇絕巘沛公入關率徒從之下咸陽擊羽定燕高帝六年論功封高胡侯邑千戶孝文五年薨諡忠侯子程襲爵無後國除後鄉里卽壇立高胡侯廟以祀之水旱疾疫皆應千餘年血食不絕有漢永平二年斷碑可辨

按漢書功臣侯表夫乞不詳居邑史記索隱但云高胡地名幸元龍高胡壇記據漢碑稱豫章人江西通

高安縣志

卷之十四

宦績

一

志遂列入南昌人物之首竊謂幸記聚徒蜀水北築壇絕巘後鄉里卽其壇立廟是壇下卽其鄉里今其山尙名高胡壇在郡北三十都蓋漢時建城本屬豫章碑故稱豫章人幸記因之實則豫章之建城人也幸記舊志不載今據松垣集錄入藝文

晉

黃輔字萬碩有高行事親以孝聞州郡舉孝廉穆帝時仕至御史清直有節操以晉政不綱權臣擅命遂棄官隱遁焉

按豫章書輔建城人子仁覽入仙釋

唐

幸南容有文學貞元中進士與柳子厚同年子厚送之歸序曰登大常之籍膺邯鄲之召北會元戎直道自達吾儕器其畧南聘天朝相禮述職公卿多其儀又曰比詞聯韻奇藻逸發爛若編貝燦若貫珠雖枚生長卿無以尙之仕至國子祭酒封渤海郡公所著有幸祭酒集幸軾南容之孫博洽強記有祖風咸通七年中三史科中和三年爲太子校書郎

鄧璠中和間自尙書江西節度使權知袁州在任興學化民有古循吏風詔令再任僖宗時所在兵起吏無能名獨璠有政聲焉

高安縣志

卷之十四

宦績

二

按省志元和間江西節度使未詳孰是

歐陽持字化基天復中進士爲太學博士昭宗遷洛持知朱全忠有異志遂遁歸西山楊行密奏除爲左拾遺未幾察行密心不在唐乃歸田不起

鍾傳少負販唐末王仙芝寇江西傳聚衆依山爲堡仙芝陷撫州而不能守傳入據之詔卽以傳爲刺史繼取洪州進觀察使傳旣去撫州撫民危全諷竊州以叛僖宗擢傳江西團練使俄拜鎮南節度使檢校太保中書令爵潁川郡王又徙南平王率兵圍之天火燒其城士民懼驚諸將欲乘火急攻之傳曰乘人之危非仁也乃嚮城祝火曰全諷不降非民之罪願天止火全諷聞之謝

罪聰命時州縣久廢貢舉傳歲薦士行鄉飲酒禮率官屬臨觀資以裝齎故士樂歸之性好飲微時常射獵醉歸夜遇虎與搏會人至斬虎然後免及既貴悔之乃□圖以示子孫戒之曰處事尙智謀勿效吾搏虎陷危也卒子匡時爲畱後

按鍾傳宅或在九峯或在袁州化成巖或在萬載縣西北而唐書五代史通鑑皆載高安人今從之

宋

丁綱字文明宋太平興國二年中進士初授饒州倅刑政廉明後陞韶州知府治績尤著值歲大旱本州芙蓉峯上有火石最靈感綱虔禱輒雨是歲大稔民益感德任

高安縣志

卷之十四

宦績

三

滿州人卽以此石贖之迄今子姓亭祀焉爲人恬靜寡欲篤志經典有清隱集行世

劉渙字凝之鈞山人志尙高潔精于史學天聖中進士及第爲穎上令持正不阿以忤上官歸隱廬山歐陽文忠公高其節作廬山高詩以美之豢犢爲騎徜徉巖谷時陳舜俞畫爲圖有我騎牛君莫笑世間萬事從吾好之句一時傳誦蘇子由稱其冰清玉潔剛廉不撓凜乎非今世之士山谷稱其中剛外和忍窮如鐵石其所不顧萬夫不能回其首所居四壁蕭然別號西澗居士累官至屯田員外郎卒贈太子中允晦菴朱文公守南康爲作壯節亭記謂其高懷勁節可以激懦律貪立祠祀之

崇祀鄉賢

吳太元字一翁景祐中進士以大理評事爲開封府戶口司馬溫公薦爲衛尉寺丞再薦知如臯縣陞鄆州掌書記太守富弼深器重之後出守潯州弼薦爲尙書都官員外郎改漕湖北爲人聰明敏捷正直和平而饒于文藻居官所在便有成績其受知二公者以此

劉恕字道原渙之子少穎悟讀書過目成誦四歲坐客有言孔子無兄弟者恕應聲曰以其兄之子妻之一座驚異十歲謁晏殊問以事往復難詰不能屈嘗從人借漢唐史閱旬還之人疑其未讀恕誦如流水十八試禮部擢第一旣而殿試下第入國子監試講經復第一名動

高安縣志

卷之十四

宦績

四

京師釋褐爲鉅鹿簿發奸摘伏一時能吏自以爲不及遷和川令會郡守被逮恕證其無辜忤部使者遷翁源令有能名辟廣西帥司機宜剛介廉直不避權要司馬光薦修資治通鑑遷著作佐郎王安石故善恕欲引爲三司條例官力辭不習金穀之事且言新法不便或面折之聞者縮頸亦善陳升之復以事相忤光旣黜恕卽乞監南康酒稅以便親養熙甯末改秘書丞贈五品服色丁母艱詔就家修書得偏廢疾猶彊書不已卒年四十七元祐間通鑑板成詔書賜其家諸儒榮之右史張耒謂其父子文學似司馬遷談而遷談無其風節似疏廣受而廣受無其文學蓋千古而一見也所著有十國

紀年疑年譜通鑑外紀年畧譜澤畔集范祖禹黃庭堅
有文表誌其墓崇祀鄉賢

按恕宋史有傳

張文規好學有文以年格奏名官至奉議郎勲飛騎尉贈
奉直大夫蘇子由孔武仲潘興嗣何正臣皆與之遊

胡直孺字少汲龍口人少辭父况都水監之蔭自力于學
以詩受知黃山谷紹聖中擢進士初授洛州戶曹雪疑
獄入爲編修解元祐黨錮之禍屢遷工部尙書以龍圖
閣學士出知婺改洪州除知南州兼東道都總管及金
人再至率兵七千人援戰雍邱斬首千餘明日金益兵
至兵潰見執聞京城失守直孺大慟不已金欲立異姓
死爭之久之得歸國欽宗撫諭之曰孤城久閉天下兵

高安縣志

卷之十四

宦績

五

至者獨卿與張叔夜耳及張邦昌僭號乃嘆曰吾豈事
僞主耶高宗卽位亟赴行在所除知東平府改洪州直
孺兩守鄉郡人以爲榮奏益虔吉戍兵改刑部尙書論
奏十事以畏天愛民爲首兼侍讀多所獻納上嘗書文
物多師古朝廷半老儒于扇頭以賜直孺後楊龜山銘
其扇曰詞潤金石忠貫日月抗節不回光輔二葉改兵
部兼權吏部封開國伯卒贈端明殿學士所著有西山
老人集生還錄行于世

劉羲仲字壯輿恕之子也幼敏慧博洽書史平居砥礪節
操不以纖毫污于人蘇軾過之漢曰此家範也嘗摘歐
陽修五代史誤作糾繆及通鑑問疑諸書司馬光以□

父有修通鑑功乞蔭其子詔補郊社齋郎清介有父風
歷鉅野德安簿政和間以蔡京薦召爲宣教郎檢討官
至京師絕不造謁曰吾但知天子命不知有薦我者遂
忤京竟棄官歸隱廬山自號漫浪翁或通刺但書江南
劉羲仲又數年卒與祖父風節文學並著稱高安三劉
先生朝廷聞其太初歷甚精密就其家索之景定間邑
令范擇能祠于釣山之櫟林窩豎三劉坊表焉幸元龍
有記祀鄉賢

趙像之字明則紹興中進士授臨川司戶校藝廬陵得周
益公楊誠齋爲門生仕至軍器少監像之爲詩文平淡
簡遠雖持節秉麾家猶貧焉

高安縣志

卷之十四

宦績

六

姜克讓字仲謙潮沙人世業儒父早喪刻志讀書于經史
百家無所不通尤邃于易學初任憲幙搏豪強雪冤滯
廉能有聲四十致仕家居篤意孝友淡然不以勢利介
意邦人稱之

趙不黯字稷臣宋太祖六世孫舉進士歷官至二千石後
退居錦江不磨勘者二十年孝宗以近臣交薦擢拜大
宗正仕至開府儀同三司品望重一時寶慶二年入祀
樂善書院

幸元龍字震甫嘉泰中進士初調湘陰簿尉京邑時万俟
卨之孫與岳飛家爭田歲久不能決府委元龍裁斷積
案如山元龍並不閱視卽擬云岳武穆一代忠臣万俟

鹵助檜逆賊雖籍其家不足以謝天下尙敢與岳氏爭田乎田歸于岳卷畀于火時論韙之改知當陽縣擢通判郢州元龍銳于掾弊荆湖制置陳咳每事輒抑之時眞德秀洪咨夔魏了翁等並以言濟王寃得罪元龍上書史彌遠以爲濟王周之管叔也管叔挾人以叛濟王當湖賊擁立嘗力拒之則人挾以叛叛非本心朝廷當治葬贈典立嗣今言者紛紜固當容之書上忤彌遠陳咳因希指劾令致仕紹定辛卯秋京師灾彌遠私第獨存元龍自家上封事云天火曰灾人火曰火陛下卽位以來虛己以聽宰相若火出于天臣知宰相獲罪于天若火出于人臣知宰相獲罪于人且言彌遠負甯考付

高安縣志

卷之十四

宦績

七

託竊陛下威福使天下知有丞相不知有天子願陛下戮其首以謝天下籍其家以調天下然後斷臣之首以謝彌遠則灾自彌矣明年卒嘗自作小傳廬陵楊伯子銘之曰戾戾契契生平之節毅毅頽頽千載之芳折而益奮踰而無悶所著有桂巖集松垣集子溥中嘉定進士廉介有父風知鬱林

按人物志載元龍慶元進士未知孰是

幸當時元龍之弟以參軍授光化軍司戶襄帥趙范檄往唐州收買軍需武守郭勝叛當時不從被殺事聞朝廷嘉愍贈京秩官其一子

趙崇蔭字有成嘉定進士歷仕至全州通判廉介自守家無擔石之儲翛然自得死之日衣衾棺殮取具親友

徐應楠字仁方少力學夜分不寐登進士調臨川簿廉明果斷曲直立分時趙汝讜持憲節風采搖山岳特相禮重凡獄訟大小並委決焉舉考及格當改秩而終

羅之紀字國張自幼穎悟超羣于經史諸子百家靡不通貫嘗以詩文謁楊文節公甚奇之嘉定時奏入等授孝感縣尉攝邑雲夢持身廉謹遇事精審上官少不爲禮因雪壓竹賦詩云吾道非耶真可恥此君豈是折腰人遂飄然棄官歸後再調文林郎宜山縣丞未赴而卒自號筠心居士所著有老農集易傳及筠心文集行世

劉應龍字漢臣嘉熙中進士初授零陵簿卽以廉明稱後平東安冠陞武岡司法改饒州錄有毛隆者務剽掠一

夕富民被盜遙呼曰汝毛隆也盜應曰然翌日捕隆置獄應龍疑之曰果隆也豈肯自謂隆乎遂爲之平反上于州州不可抵隆死未幾獲眞盜應龍神明名益著厯知善化崇仁縣時寇至丞簿皆先遁惟應龍固守爲諸司科院除監察御史先是理宗立福王子爲皇子吳潛時爲相有異議上不悅後元兵入寇潛勸上避之及兵退上愈惡潛夜遺象簡授應龍使重劾之應龍心謂潛本賢者獨不當輕論國本及勸上遷幸耳且本朝未嘗輕戮大臣奏從寬典上大怒出應龍爲司農少卿遂去國潛竟貶死壬戌召爲荆湖提舉陞直寶章閣廣東運使進直文華閣江西運使兼知隆興府奏免和糴二十

萬民受其惠戊辰除戶部侍郎兼侍講同知貢舉所取王珏歐陽夢旗皆名士也戊辰除集英殿修撰知建甯府庚午除江東運使皆不赴奉祠提舉萬壽宮壬申除顯謨閣待制廣東經畧安撫使清海軍節度使時毛太子僭亂應龍急調兵討平之進封高安縣開國男食邑三百戶癸酉爲寶章閣學士出守贛州兼江南西路兵馬鈐轄甲戌陞中奉大夫除兵部尙書辭居九峯自號實齋

按應龍宋史有傳

陳仲微字致廣善富人嘉熙進士初任莆田尉遇事必以去就爭會軍鬪捕其渠戮之遂息歲飢籍閉糶誅彊糴一境肅然海寇入邑左右曰宰已遁仲微曰吾則不可

高安縣志

卷之十四

宦績

九

乃率弓兵逐捕盜無免者以功攝邑遷海鹽丞先是有寺與學爭水利仲微按籍歸諸學一日過寺宿僧以首扣鐘仲微竊視其旁乃詛己者笑曰我何心哉于是酣寢夜未半而僧暴亡在任以廉幹聞時詔獄推徐元杰死故游侶在政府依阿不決仲微與之善因移書責之侶不樂遂以格受崇陽宰初民讐視役仲微處之有方事治而民以勸擢倅黃州景定間幹辦行在諸司審計司差充禮部試院檢點雷同官忤監試孫附鳳出倅江州時汪立信爲安撫仲微與論兵立信奇之辟充安撫司參議官會立信被劾遂罷歸復起知惠州畱除監三省樞密院門遷太府寺丞兼權右侍郎屢辭不允會輪

對上殿奏君子猶未盡在朝廷歷指時弊疏上忤賈似道御史張志立希指劾其謗訕請榜諸朝仲微辭官歸壬申起爲廣東路提點刑獄改江東以疾辭元軍渡江仲微盡室趨嶺南且應詔上封事明年似道敗除右正言三遷侍御史復除吏部尙書兼給事中俱不拜辟地安南卒國主以禮葬之仲微涵飫六經于諸子百家無不涉獵自號遂初門人稱爲文溪先生著有文溪集廣王衛王本末

按仲微宋史有傳

南宋書仲微字致廣高安人調莆田尉歲凶部卒并飢民作亂仲微立召首亂者戮之籍閉糶抑強糴一境以肅囊山浮屠與郡爭水利久不決仲微按法曰

高安縣志

卷之十四

宦績

十

曲在浮屠他日沿檄過寺其徒久揭其事鐘上以爲冤旦暮祝詛然莫省仲微也仲微見之曰吾何心哉吾何心哉質明首僧無疾而死改知崇陽縣寢食公署旁日與父老稚豎相爾汝下情畢達吏無所措手遷太府寺丞輪對言祿餌可以釣天下之中才而不可以陷嘗天下之豪傑名航可以載天下之猥士而不敘復時國勢危甚仲微上封事曰誤襄者老將也失襄之罪不專在于庸闔疲將孩兵也君相當分受其責天子若曰罪在朕躬大臣宜言罪在臣等宣布十年養安之往繆深懲六年玩寇之昨非或謂陛下乏

舉師之誓師相飭分過之言甚非所以慰恤之義祈
天悔禍之道也方今何時而在廷無謀國之臣在邊
無折衝之帥監之先朝直和未亂之前靖康既敗之
後凡前日之日近冕旒朱輪華轂俛首吐心奴顏婢
膝卽今日奉賊稱臣之人也強力敏事捷疾快意卽
今日叛君賣國之人也迷國者進悞優之欺以逢其
君託國者護恥敗之局而莫敢議臣嘗思之闕外之
事將軍制之而一級半堦悉從中出平素無權緩急
有責或請建督或請行邊因諸闕有辭于緩急之時
故廟堂不得不掩惡干敗闕之後有謀莫展有敗無
誅上下包羞噤無敢議是以下至器仗甲馬衰颯龐

涼不足以肅軍容壁壘保柵折樊駕漏不足以當衝
突之騎號爲帥闕名存實無也光景蹙近日睫矣惟
君相幡然改悟天下事尙可爲也乃出仲微江東提
刑益王卽位海上拜吏部尙書厓山兵敗走安南越
四年卒其子文孫與安南王族人益稷出降鄉導元
帥南征安南王憤伐仲微墓斧其棺仲微天稟篤實
雖生長富貴而惡衣菲食自同窶人故能涵飲六經
精研理致諸子百家之學靡不搜獵云從子元亮咸
涪中爲國子學錄洪燾尹臨安倚似道作威元亮伏
闕數其奸遂被黜

陳應寶字真卿仲微從子幼嗜學攻苦不倦寢食俱廢嘉

熙中補入太學累居優等度宗幸學恩授吉水簿以文學飾吏事聲稱一時

陳元亮字季德仲微從子博學尙氣節宋嘉熙戊戌補太學咸淳間升國錄時賈似道私人洪燾尹臨安倚勢作威元亮率諸生數百人伏闕上書歷數其奸上爲黜燾元亮遂爲賈所忌繇是不得志戊辰當對集英殿太學名士多倖取上第元亮獨恥之有司復希賈旨置之丙科授慶元府教授再遷御前軍所幹辦官

胡仲雲字從甫市上人生有異質時人曰爲懸崖水晶年十三卽淹通書史淳祐中入太學率諸生伏闕上書論罷京尹余晦蔡適爲祭酒仲雲與弟仲霖師之盡朱氏

之學負笈者盈館下寶祐登進士監行在倉時丁大全用事欲羅致名士授以館職不就以江萬里薦除太學正因忤賈似道出倅臨江旣而家居諭止亂軍起爲國子監簿攝吏部侍左嘗覆試黜賈之從子初賈欲舉爲御史仲雲曰御史上親擢大臣不當先示以意論對懇切無假貸遂遷樞密院編修官擢尙書右司賈時信任翁應龍事下兩省輒以帖鈐楮尾無敢易者仲雲極論其弊翁銜之兼崇政殿說書上言陰彊陽弱五典具廢忤賈黜爲浙東提刑兼權紹興安撫旣至減月椿錢三之二復追還買燈錢五萬吏贓三萬六千分諸貧民且令貴人毋奪民利民大悅越有僧殺人賈黨匿之仲雲

嚴限寘于法會母憂去歲餘聞九江失守辟地海南攜家泝流至廬陵而卒所著有六經蠡測周易見一四書管窺歷代遺論宋朝政論文集三十卷江文忠爲之序
崇祀鄉賢

劉元高字仲山應龍長子生有異質卅角與胡仲雲同學一日十行俱下旣長長身山立每與姚勉胡仲雲論天下事輒慷慨激烈時號高安三俊登淳祐進士初授迪功郎彬縣簿斷事如破竹當事爭致之幕下趙葵馬光祖宣撫荆淮元高從事獨勞咸淳乙丑以李伯玉薦除知甯都縣未幾更侯官縣地多豪貴元高一繩以法復以洪天錫薦爲御史卒天錫嘆曰又失一眞御史矣元

高安縣志

卷之十四

宦績

十三

高善爲文以理致爲先繁簡必當所著有漢史意抄書史續抄貴華錄三劉家集山居稿行世

阮恕字伯寬寅之子以父蔭宰分甯淳祐更善化陞建甯郡倅初赴善化時宿山間有商十數人先在焉吏與爭鬻恕爲杖其吏且慰之吏退詎曰有官如此何以仕爲恕亦不介意及暝商來謝曰某等麓疏感公宏量第夜半先起倘有小喧公但安寢恕唯唯比夜半喧甚恕戒僕堅扃俄而寂然起燭之殺人縱橫乃強寇也是夕得免于難人以爲寬厚之報

胡希寅號可山仲雲之子登咸淳甲戌進士授孝感縣令居官清廉名重一時後因世亂致仕杜門著述有經世

要論□橋記集卒祀鄉賢

元

姚雲字聖瑞宋咸淳進士初調高郵尉太守程公雅相敬重辟入僉知政事淮東招討使復招典司書檄後除龍興察推再除工刑部架閣以宋故官授承直郎撫建兩路儒學提舉秩滿家居求文者無虛日尤工詞調風韻不減秦少游一時藝苑推重疏齋廬公嘗造其廬拜焉有江邨遺藁行于世其子成德克紹家學爲臨江教授宣慰使歷湖州平陽兩路總管年六十六卒於官俱本元史

陳以忠高安人寬易倜儻重義輕財嘗冶銀於興國所獲

高安縣志

卷之十四

宦績

十四

贏餘悉以施與客遊天京爲貴近所喜受中旨爲蒙山錫場提舉先是官課不辦民力重困又取木炭於瑞州龍興不勝其擾爲言於當路凡場所輸殺四之一官自買炭擾不及於二郡律已公廉而辦課優敏公私便之重修正德書院置田增租歲入可二百斛其費一皆已

出吳草廬爲之記

此據吳草廬瑞州路正德書院記補入

吳楚字方叔性狷介博洽經史至元間以功授四會縣尹後更上杭建甯浦城所至以廉能稱鋤強植弱救荒禦寇活人數萬閩人號曰吳廉訪又曰生佛上杭有生祠浦城有德政碑致仕林下著有耐翁文集藏于南城石橋崇本堂涂謙字伯益至元間以功授本府判官累遷懷遠大將軍

同知廣東宣慰司謙雖貴爲連帥而雅淡沖約益勵操
行投老家居自號雲溪道人黃冠屨日徜徉山水間
人稱爲平地神仙子濟亨克紹家學筮仕甯州判官遷
奉議大夫知永新州所至以廉能稱

漆希范字文翁才識豪邁善屬文任本縣儒學陞靜江路
教授三楚聞其賢辟爲椽廉謹修飭省臺器之陞臨江
路知事清望益著識與不識皆稱爲平溪先生

明

劉謐字成式來蘇人聰慧倜儻善屬文朱學士善見而器
之爲作藜耀軒記洪武間貢授吏科給事中彈劾不避
勢要卒以此忤權貴謫戍甘肅

高安縣志

卷之十四

宦績

十五

陳曷字文煥南城陳家湖人永樂甲申進士任陝西西鄉
知縣廉明播于關中歲飢捐俸備賑哀鴻以集而捍禦
之功尤著兩臺疏薦擢河南道御史風采屹然貪墨嚴
憚祀西鄉名宦著有文集若干卷

潛溟字彥鵬城西人美丰采兩目如懸珠永樂進士授監
察御史文皇選使北平面命十數事旣出追還詰問對
無遺上器之後果稱旨受知益深事之難決者輒曰付
虎眼御史謂溟也都督紀綱恃寵不法御史按之多不
得其要領乃改命溟不數日獄具以聞將大用之旣而
扼于忌者陞廣東按察副使懲奸貪理冤滯得監司體
後又以事左遷運判陞知杭州府聲名益重所著有青

雲集

朱益字仲益坡山人永樂中舉于鄉己丑中乙榜例授學
職率同榜者十人上言道未明未可以教悞人乞卒業
辟雍爲祭酒胡公儼所重乙未登進士授刑部主事命
于沛縣董運木植事集而民不勞其刑獄平反者甚衆
尙書吳中薦陞郎中卒于官檢所餘俸僅給棺衾而已
益廉靜寡欲宦游不挈妻孥卒時惟一僕侍命之曰未
能報吾君親歸以忠孝二字語吾子孫一言不及私

揚潤字伯玉號澹菴城南朝天坊人永樂進士授南御史
善持法嘗有坐法餽金求庇者潤執其人寘諸理陞山
東按察僉事勦巨盜劉雄黃虎陞四川左參議平敘南

高安縣志

卷之十四

宦績

十六

亂歲丁卯重慶大旱官廩制于請命潤先發粟而後以
聞全活者數萬朝廷嘉之先與薛文清講明理學于山
東期以百世不磨之眞詮至是復聚講蜀中歷官三十
年囊橐蕭然累疏乞休得允進中憲大夫歲給祿米五
石人榮之家居讀書考古薄視紛華一日無疾忽召諸
子曰吾將逝矣爾等務忠孝勤儉又曰迎朱漢漢潤壻
也時爲御史人不知其歸明日果以公務至其清心寡
欲故能前知如此享年九十有一卒後數日鄰居火子
黃祝曰若先君無愧願全歸之俄而火反柩得免祀鄉

賢

易輓字仲載上坊人永樂進士以言忤權貴謫武定州同

知尋改判杭州時仁和賊大肆剽掠輓用計入其營擒巨魁賊遂平陞高州知府

照舊考通志補入

陳真字孟庸古祖橋人永樂間拔貢肄業成均以文字受知于楊文貞公延爲子弟師凡楊公所纂周易本義諸書與有參校初授粵東封川知縣廉明有聲秩滿陞刑部主事持法不阿奉命恤刑閩中多蘇淹獄一時蹇公義夏公原吉咸賢之將有不次之擢乃淡于仕進以足疾乞休宣宗朝楊文貞公屢書招之不赴生平勵操冰蘖歷官數十年垂橐而歸諸子貧乏至以缺甘旨爲憂真慰之曰吾居官清白粗糲自安何患焉杜門家居以書史自娛二十餘年而卒

高安縣志

卷之十四

宦績

十七

陳鑑字貞明十五都人少穎悟宣德進士初授行人擢御史持身清介遇事敢言不避權要按貴州攬轡激揚得體嘗奏毀牛欄關至今地方稱便時宦官王振用事趨者如市鑑獨不往振中傷之傳旨枷于國門先是有冤者得鑑以白至是爲鑑奏請乃得釋尋陞河南參議所著有易菴集子賢舉鄉試聰敏克孝世其家

按明史陳鑑字貞明高安人宣德二年進士授行人正統中擢御史厲風節出按順天言京師風俗澆漓其故有五一事佛過甚二營喪破家三服食麗靡四優倡爲蠹五博塞成風章下禮部格不行改按貴州麓川思機發自大軍再征窮竄屢上書哀訴乞宥罪

通貢王振不許復大舉遠征時雲貴軍民疲敝苗乘機煽動閩浙間盜賊亦發舉朝皆知其不可懲球禍無爭者鑑抗章言賊酋遠遁不爲邊患宜專責雲南守臣相機勦滅無道勞禁旅振大怒欲困之改鑑雲南參議使赴騰衝招賊怒未已摭鑑爲巡按時嘗請四川播州安撫司改隸貴州以爲鑑罪令兵部劾之逮下吏論死繫獄景帝嗣位乃得赦尋授河南參議致仕歸卒

賈信字順夫山畚人博學負名初臬司辟爲椽正統間辦事南京爲南京刑部尙書趙翊幕屬部寺灾信諳天文先知之言于衆諸部皆以爲誕惟刑部先爲之備翊器重

高安縣志

卷之十四

宦績

十八

之薦授本部主事歷工部員外郎中陞廉州知府先是廉屬邑合浦產珠守珠池大監范肆威罔利商賈弗通信具奏劾去之商受其惠雷廉二郡軍糧互運民勞財匱呻吟之聲塞于途復奏准各運納定額郡人世賴其利咸有賈父之稱立祠祀之

况眞字彥珍由歲貢歷工刑二部主事福建按察僉事正統間鄧茂七黨寇汀州偕指揮馬雄討之有功明年因罣誤降太使天順間復官僉事致仕眞性質直用法平恕所至有惠政進階中憲大夫

劉志方字端夫少穎敏善屬文由舉人授仙居知縣時歲饑民有攘富室粟者守悉置之死志方曰愚民無知苟

延旦夕耳非越人于貨者守悟活數十人又有僞獲盜
布者志方詰之皆曰婦織之耳命各取織寇驗之則盜
果僞事獲釋其爲政慈祥慎密類如此陞知州同知致
仕所至輒有去思尙書王純主事儲懽惜其去作詩贈
之

朱漢字景雲清潭嶺人成化進士授太常博士太常寺官
多出身道流漢上疏極論之陞南道御史劾罷尙書倪
謙侍郎錢溥歷陞河南按察僉事陝西副使兵備漢中
風裁凜然奸貪縮首賊盜屏跡民至今懷之歲時報祀
王謙字文讓成化進士授湖州推官凡所辨析皆盡人情
常俸不給日用多取于家卒于官

高安縣志

卷之十四

宦績

十九

陳拯字方周荷山人由舉人署奉化訓導勤學善教人才
多所成就陞邛州判官清而有惠嚴而不苟家居十年
成化鄉黨

熊傑字貴顯斜溪人相之父性廉謹作文字不苟成化中
以太學生通判保甯府廉明簡易嘗按豪惡母文信獄
竭誠感奇夢論死者四十三人上司減其半羈傳舍以
配徒一夕火發盡死蜀人神之松茂運梗設法隄備餉
足而民便尤能禮士夫善僚友通判張綿吉守任儀來
瑞皆詣墓拜曰爲我保甯人謝公也著有守齋集

劉允中字叔彝鈞山人其父南塘治產積居嘗爲萬石長
儀狀魁奇邑令見之日爾有貴徵宜課子學歸語允中

下帷發憤從從父孝廉志方授尙書疑義未達輒從帷幔中辨析所居山後有洞有神憑焉歲旱率鄉民禱之猝遇猛獸衆莫敢前允中奮臂大呼爲民請命獸卽去終祠而雷雨大澍鄉人德之允中生而頎秀歲戊子就檄洪川有侯司訓者天台名士忽自輿中望見輒下車握手詫曰吾閱人多矣未有如公者是年果得雋成化戊戌成進士讀中秘書大學士王惟臣嘗言于人曰劉叔彝之文簡雅平實不事雕琢每一命筆翰林諸公必吐舌庚子改工科給事亟圖歸省未幾訃聞每恨兩尊人之不及永訣也服闋歷禮科都給事多所建明憲廟倚眷特至日爲劉長子家故羸而南塘好行其德允中

高安縣志

卷之十四

宦績

二十

承之一切俸入盡分族之貧者有逋課輒代之輸或偶忿爭必曲爲解勸無囂于訟以故劉氏凜凜德讓爲閭里所矜式丙午同侍御張賓奉敕綜理西甯儲峙初入朝墜馬創甚至是以軍國重務力疾驅馳冒塞嶮不避權勢軍民德之事竣疾轉劇報命乞骸骨歸舟次臨清竟不起年四十八都人士聞而惜之著有愚訥先生集黃山字允高棠山人成化進士授行人屢奉使不以毫髮自污宏治間擢御史時何文鼎以忠諫得罪山上疏力爭巡按浙江剪宿弊懲奸貪雖親故無所假借風采動一時陞廣東僉事祀鄉賢

朱繼祖字孝思坡山人會魁益之孫柱史實昌之父成化

甲午領鄉薦甲辰舉進士除兵部職方司主事鎮山海關陞武庫員外欽差恤刑江南提督武學序當轉爲圖便者沮出知廣西府會有竹山子之役當道檄繼祖督勦或危之繼祖笑曰事關君國義所當赴奚其避遂分兵躍馬親冒矢石爲士卒先俘獲甚衆賊亦尋降捷聞上皇遣使獎賜當事以邊才薦調任楚雄居數年重臣有以事經其地者遇之倨且索賄繼祖不悅卽日上疏乞休不待報而行郡人萬里詣闕以請後晉階參政累徵不起著效顰集及雙溪存稿待刊

鄒誠字一純由舉人授慈谿知縣縣多貴宦誠御以禮法無少假借于民之無告者多方哺育之人稱其一清僅

高安縣志

卷之十四

宦績

二十一

足自存執法多可傳後卒于官民頌之

游輝字公憲正統貢士任浙江龍泉知縣地多刁訟輝恩威並行民咸感德去任之日百姓如失慈母居鄉孝友慈愛宗黨閭里有不平事俱請質焉人比之王彥方云陳祥字應和荷山人宏治進士初授上虞知縣廉明有聲以內艱歸民爲作去思碑復補華亭時劉瑾專恣祥獨毅然不動及瑾敗上搜餽籍無祥名賢聲愈著行取山東道御史巡按四川淡素如寒士時有御史素以賄聞而依憑城社衆睥睨莫敢動祥發其私詔免秩蜀民鼓舞若更生及報命以論堂官忤當事出知惠州郡治煩劇民財凋弊祥決斷如流廷無畱獄時有陳半升之謠

桶江巨寇作亂上命贛都御史王守仁偕祥往征之滅其二巢績奏加正三品服俸轉廣東副使歷官右副都御史所著有荷峯集

胡鎮字斯靜號拙峯泰之從姪宏治壬子以儒士領鄉薦壬戌進士授行人司行人奉使淮藩丁卯擢南工科給事中風采屹立望之使入畏憚改北戶科尋轉禮科右給事中彈劾不避權要忌者日衆未幾擢浙藩左參議以骨鯁不能隨俗俯仰引歸田里著家寶集夙興夜寐箴以訓子孫辛丑聞外患痛恨不能自效條陳七事切中時宜乙巳歲旱民饑多方勸貸以賑之優游林壑二十五載壽登八十有五崇祀鄉賢

高安縣志

卷之十四

宦績

二十二

敖鉞龍城人直方性成一登科目謂道必可行宰宿松二載兩奏水患去任三年復疏荒糧補潛江甫經十月題水旱祈蠲賑請皇莊開恩江民賴其惠所去見思爲御史累劾近侍中外彈之加六品俸巡按貴州奉敕考校兼理征蠻久之致仕足無公門之謁鄉黨宗之祀鄉賢熊相字尙弼號台峯斜溪人正德戊辰進士授臨海知縣行取河南道監察御史方正不阿百僚嚴憚奉敕清軍四司激揚興革風裁丕著巡按山東題表靖難忠臣胡子昭刷卷南京薦理學名臣呂柟密雲之役前後盪平巨寇以數百計累賜金帑陞福建廉使致仕居鄉爲月旦所重事利桑梓者力任不辭正德間知府鄭璠重修

郡志皆相所裁定

朱實昌字士光繼祖子益之孫正德戊辰進士授旌德令改海鹽應召擢山東道御史上游獵建儲除奸佞等疏議大禮忤時相廷杖改南道歸養都御史屠浦奏起補北道時淞江機坊爲監督所苦實昌奏撤之歷按蘇松時三吳大饑奏緩歲賦三十八萬有奇俟歲稔帶徵後復奏請蠲之上從其議以直言觸當事陞淮安知府居官廉靜士民悅服有卧鎮淮陽去思遺碑

鄒致和字用行孔里人祖居桂林少負才名同里推祭酒正德間以歲薦授蘇州府學司訓署長洲縣事多惠政嘗與唐伯虎文衡山祝枝山輩訂交虎阜備極唱和之

高安縣志

卷之十四

宦績

二十三

樂吳郡才甲海內致和因文知人一州七邑所作興人士盡公輔選如虔撫朱宏觀察皇甫汙其一二也刻有清泉詩文子魯翰亦以歲薦授兗州

劉嘒字子儀一都人年十九中嘉靖乙酉鄉試授臨城令廉潔自持不畏強禦以剛介聞遷通州守諸武弁貴戚占田宅者幾半民籍行李往來不勝擾錦衣陸炳有從龍功寵信用事家奴數百濫施冠裳以徵租爲名漁獵州縣莫敢誰何嘒褫其衣冠驅出境炳深啣之使人伺其陰事卒無可乘益嚴憚之三年以憂去後補茶陵州知州惟一僕自隨尋卒于官自公服外無長物院道捐俸賻之始得歸

漆登字汝高烏泥人嘉靖辛卯舉人授貴州永甯知州蠻酋雜處登以清敏恪職遠人安之陞馬湖府同知拯饑全活甚衆因其俗陋加意造士併捐俸資之麻陽寇亂協勦告捷以薦兩典蜀黔考試取士多人告養歸晦跡著述厚于宗黨鄉評重之

况澄字仲源城南人曾祖琛爲永樂間進士官永平教授有廉名澄能紹其家學爲諸生從學王文成公公奇之嘉靖辛卯特詔御史拔異才澄膺選第二初知壽張縣減民徭役調考城縣築隄通水利民德之以耿介忤上左遷建甯教授造士得人陞鳳陽通判清馬政署邑篆有循良聲歸而屏跡公庭惟事關地方利病者則獨持

高安縣志

卷之十四

宦績

二十四

議侃侃郡邑咸利賴焉

劉文光字月山鈞山人嘉靖戊子科舉人部試第一授吏部司務歷官參議才敏學贍襟懷磊落與少師夏言內翰呂柟詩文唱和一時才名藉甚所著有霍案錄傳于世

吳山字日靜號筠泉南城禮義坊人嘉靖乙未進士及第授翰林編修累官禮部尙書加太子太保實錄會典諸大制作多其刪潤性方正有度不苟詭隨世宗重其爲人召入直西內一品考績優詔褒嘉晉少保將柄用之分宜相故忌其不阿而山守正自若絕不以同鄉相附上意以山宗伯久次一日故問分宜吏侍郭樸任久不

宜遷尙書耶且曩時閣臣固有四人共事者蓋欲相山而以朴補禮書也山子聞之以告曰聖意已決但詣分宜公十揖卽宣麻下矣山斥之曰豎子何知吾能以一揖博宰相平事遂中沮其剛方大節類如此嚴世蕃力脅公卿獨不敢干山故相靳貴繼夫人早寡及老其孫有客于嚴氏者奏旌貞節下禮部議山謂婦節宜旌但在宰臣命婦生受殊封恩綸褒其內德者非一矣貞節亦本分事又何事特旌與民間匹婦爭聲名爲華亭徐相遇于西內亦揖山而爲之言山正色曰相公亦慮閣老夫人再醮耶是時二王並封莫測上旨中允郭希顏從里中言安儲事語侵分宜上怒飛詔就江西斬希顏

而嚴氏勢益重然上因此不懌尋詔景王之國安陸命禮部具儀分宜使人密諷山此非主上本意雖具儀仍當另疏畱行山曰國本久未定今幸承旨臣下不能請之更當沮之耶遂按故事請上御殿目送王出大明門上愈不懌曰此成化間兄封弟事也今父子甯必如是乎竟不升殿而眷山漸衰分宜猶以衆望欲交結之乃求山女爲孫婦屬閣老李本爲之居間山竟托辭謝絕會日食陰雲四翳閣臣皆欲以當食不食奏賀山仰視曰日方虧也吾誰欺乎竟不賀分宜意愈恚密聞于上而山遂被言罷歸穆宗隆慶初卽位起爲禮部尙書堅辭不拜曰林泉吾分耳安能抗顏于昔而滑脂于今耶

人尤信其始終一操而獨以其不登政府爲惜家居卒所著有治河通考及文集萬厯初特詔追褒贈太保諡文端崇祀鄉賢

按明史吳山字日靜高安人嘉靖十四年進士及第授編修累官禮部左侍郎入西苑供奉青詞三十五年改吏部尋代王用賓爲禮部尙書明年加太子太保山與嚴嵩鄉里嵩子世蕃介大學士李本飲山欲與爲婚姻山不可世蕃不悅而罷帝欲用山內閣嵩密阻之府丞朱隆禧者考察罷官獻方術得加禮部侍郎及卒請卹山執不與僉都御史唐順之卒於軍總督胡宗憲疏其以死勤事請優卹山亦不與大學

高安縣志

卷之十四

宦績

二十六

士靳貴妻早寡及老有司奏請旌表山不可徐階爲之言山正色曰相公慮閣老夫人再醮耶階默然而罷裕景二邸竝建國本未定三十九年冬帝忽諭禮部具景王之藩儀嵩知帝激於郭希顏疏欲覘人心諷山畱王山曰中外望此久矣立具儀以奏王竟之藩司禮監黃錦嘗竊語山曰公他日得爲編氓幸矣王之藩非帝意也明年二月朔日當食微陰厯官言曰食不見卽同不食帝以爲天眷喜甚嵩趣部急上賀侍郎袁口亦爲言山仰首曰日方虧將誰欺耶仍掾護如常儀帝大怒山引罪帝謂山守禮無罪而責禮科對狀給事中李東華等震懼劾山請與同罪帝

乃責山賣直沽名停東華俸嵩言罪在部臣帝乃貫東華等命姑識山罪吏科梁夢龍等見帝怒山甚又惡專劾山乃并吏部尙書吳鵬劾之詔鵬致仕山冠帶閒住時皆惜山而深快鵬之去穆宗卽位召爲南京禮部尙書堅辭不赴卒贈少保諡文端

敖銑字純之號夢坡龍城人嘉靖進士二甲第一改庶吉士歷官祭酒太常寺卿己酉主考應天癸丑典南宮試皆稱得人先是邊患孔棘銑疏陳六事語多壯激給諫王德薦其兼文武才奉命宣諭威震中外生平無疾言遽色應事接物婉而曲中然義所當任確不可回嘗從歐陽文莊公講明理學潛心力踐不爲宏濶高奇之論

高安縣志

卷之十四

宦績

二十七

以故色笑雍容模範卓立風節凜然施雖未究人爭賢之卒贈禮部侍郎賜祭葬吳文端公爲之傳祀鄉賢

藍璧字完卿高塘人嘉靖進士改庶吉士與吳山敖銑稱翰林三傑遷戶科給事中疏請用飭法甦民庶振軍旅深切時艱改禮科時上意修元璧以忤旨廷杖頗有直聲出陞湖廣參政歷四川按察使山東廣東布政使俱有治績在蜀蘇淹獄在粵清番稅人尤稱之以違時被謗歸言者屢薦起用未果輿論深爲扼腕

况叔祺字吉夫幼穎異喜讀書弱冠登進士授刑部主事曹署清暇益肆力學問與東吳王元美南昌余德甫游從以聲詩相唱和歷禮部郎中貴州提學副使貴州僻

處蠻方士多質魯弗力于學祺至日爲諸生講說經義士知嚮方攝司篆平山寇欽賜銀幣祺負才名抗直不諧于俗遂棄官歸卜築藥湖之傍興至買棹下章江訪德甫諸名士徘徊龍沙南浦間弔古賦詩所著有大雅堂集丹湖督學稿考古詞宗家居捐數百金修梅江橋邑人德之

廖性之上坊人生而醅謹不苟言笑十四補郡諸生十七走安成師事東郭先生益篤信謹守毫髮弗自放逸嘉靖辛酉舉春秋第二人以名節自矜非公事不入公府授山東信陽縣諭以古道風諸生陞松楊知縣六載清操著聞陞雲南路南州知州不赴杜門手不釋卷有司或造其廬輒以疾辭嘗語人曰咬得菜根斷則百事可做此語親切有味居家常以清貧自安云

范伋長沙舖人嘉靖進士歷官參政所至皆有聲致仕歸杜門掃軌不與世事不入公府惟以孝友惇睦訓子姓俸餘盡給親族不畱以遺子孫年八十四臨終語不及他惟示諸子曰汝輩謹飭做好人吾目瞑矣議祀鄉賢傅孟春號仁泉珠湖人嘉靖甲子舉人乙丑進士歷官刑部侍郎初授晉陵司李多所平反擢浙江道御史奉敕巡長蘆鹽事竣巡按順天兼視雁門紫荆等關秩滿陞北畿學政時尙操切以沙汰爲事春獨以寬著陞大理寺丞光祿寺卿進南京操江僉都抵任以母憂歸值有

毀書院之議春捐二百餘金抵其值事定仍歸之郡服除起兩浙巡撫嘉湖大禋疏請賑卹全活甚多陞北京都察院副都尋陞刑部右侍郎攝刑部事雪鄖撫李材之冤獲從末減年六十致仕生平和平樂易城府不設而中實涇渭分明時論以大臣稱之

吳會字文鎮號南州南城禮義坊人歲貢士端方純正爲諸生時因豪宦侵占學基會冒鋒阻抑力請當道追還建尊經閣歷官嚴州教授致仕家居考定賦役全書有裨民瘼郡侯鄧贊曰未仕之先有功于學政既仕之後有功于生民卒祀鄉賢

何希堯號天池隆慶丁卯舉人戊辰辛未兩中會副宰應

高安縣志

卷之十四

宦績

二十九

山廉能公慎釐剔靡遺頻年異禋扶病單騎撫諭捐俸以賑在任數年日以作人爲亟刊四書三說廣給生儒童試閱卷得楊公漣嘆曰此川嶽正氣也拔冠一軍後擊璫殉節如希堯所言論者服其知人秩滿註上考擬授部曹念親老解組歸一橐蕭然院司助其裝始得旋里應人祀之家居杜門惟倡明理學以課生徒立心制行一本誠正著有文集若干卷康熙間郡司馬蔣公允修擬捐俸梓行以遷黔守去未果

吳文光字德充號字山龍山人父一川號石泉籍諸生有名閉戶著書義方訓子光承先志以嘉靖辛酉舉人爲荆門州學正勤課程敦實學日以經明行修勉多士繼

任徐州豐縣知縣廉介有爲豐頻年水灾光增縷水堤
開荒蕪田尤作新土類捐俸易學田百畝士民胥慶有
頌長春者以外艱歸豐民立祠祀焉語具徐州志門人
給事張貞觀有記後起復補懷遠縣淮鹽運判會薦擢
陞宿州牧時州歉甚流移載道比至加意撫循期月而
井煙相望瑞徵麥莖兩穗直指晉江陳某校士出表題
嘉之事詳宿州志五年擢四川龍安府同知緝盜安民
惠政多端任滿致仕士民立石以誌去思居家二十餘
載足跡不入城市惟課諸子以明經孝友承先澤爲務
郡使徵鄉飲大賓者三焉嘗媿宦遊未終侍養每逢父
母忌辰卽涕泣沾襟哀慕之思慤慤若孺子狀併囑子

高安縣志

卷之十四

宦績

三十

若孫謂日後吾逝當葬于父側以遂吾瞻依之意其孝
思有如此生平以禮自持與人必恭必敬所著詩文及
宦遊諸藁藏家待刻卒年七十有九本縣申詳學道註
鄉賢冊

范國忠字汝輔長沙舖人夙資穎邁初事諸生業博學瞻
詞藻後以例監謁選授浙江按察司經歷遷兩淮運判
偃蹇散秩中堅持初服上官心憚之淮大猾曹氏橫甚
侵場地建大宅前後諸司莫之何國忠至奪毀之併逮
治諸不法卻羨金不啻數千復斥罷屠稅常例贖緩一
切不入私囊譽動吳中死之日身無以斂祀鄉賢
王許之號槐亭分溪人隆慶庚午舉于鄉辛未成進士授

廣東龍門知縣時海寇勢甚熾當事者議非大舉不克靖電白尤當其衝遂自龍門移電白密以兵事屬許之至決策靖寇併破了髻大巢山賊兩廣督撫凌公疏薦超爲羅定兵備許之力謝不可願以縣令事行間遂持檄週歷東西二千餘里相要害分立大營把截三奉欽賞皆異數更與凌公條議善後事宜于是海盜盡息民始聊生入覲以治行高等與宴賞丁丑授南京福建道御史己卯陞浙江按察司僉事先是在廣豐城李見羅備兵嶺西以講學負時名相爲引重坐是招忌制撫殷正茂尤心憚許之當路將進諫垣殷時爲司空造江陵相尼之遂移南御史許之至南中驟言事所上凡十三

高安縣志

卷之十四

宦績

三十一

疏上嘉納之又舉奏內豎不法狀亦爲近倖者所忌江陵憶殷言慮其建白授指外補而杭嚴兵備之命下浙俗游侈省會居民龐襍奸盜隱匿其中治者苦之許之嚴約束謹期會斷以法一切辦治綱紀肅然會撫軍標以減餉生變獨所部不動卒以誑誤罷官時論大爲不平許之旣蕭然里居日與都人士講學不輟而聲望益重撫按薦疏數上太宰五臺陸公累書勸駕竟不出初高人苦于南兌往往破家供役許之爲御史巡視京倉請于朝得從折色其爲梓里計蓋如此著有留臺疏草

槐亭文集

范世美字敬之長沙舖人萬曆進士授揚州推官秉法嚴

平吏民畏服會僞錢恣行商賈罷市飢民以米戶閉糴
執竿叫呼聚黨數千人世美適行縣聞之遽馳歸躬詣
亂所開諭禍福郡黨解散揚民謂推官一日不歸則廣
陵流血矣陞南京兵部郎中出守潤州潤故有織造諸
羨銀又有公庄諸稅歲萬金舊皆太守公費世美悉以
備賑每歲運船僉集嚴約啟聞官吏先儘運船過盡始
及他船時有鎮撫貴人橫恣恐嚇官吏世美不爲假借
故在潤數年軍無逃損之譴官無治河之費皆其力也
陞山東兵備副使辛卯總計天下循吏奏清苦第一改
浙江驛傳副使行之日行李蕭然士民遮道家戶設主
拜之尋卒于官世美爲人不喜世俗交際孤立無儔獨

行己志自理官起家歷官二十年未置一田築一室爲
子孫計没之日身無所殮妻子衣僅蔽體後祀鄉賢
况于梧字汝材由舉人萬曆甲戌選南直天長知縣數月
政聲藉甚調繁儀眞時苦淮水泛溢大爲河患遂條陳
開便河修築高家堰拮据數載陞嘉興府判兩臺以河
工未竣題改淮安竟厥功居民號况公河功成奏聞敕
賜金四十兩紀錄陞邵武府同知河道至今賴之
范儁字國士長沙舖人生而穎異爲兒時聽讀古文詞一
耳輒記因就章句師偶以螭吻爲題令破應聲曰立乎
棟梁之上沾乎雨露之恩師大奇之曰吾非爾師也亟
趨歸就經師下帷力學及試輒冠多士學使賓巖何公

稱爲瑞陽麟鳳萬曆丁丑成進士授義烏縣尹有隣邑大豪凌其邑長者連起大獄勿決僞至一訊立服所居衙齋如水食惟脫粟有以重金匿茗中餽者覺輒卻之欲罪其人至慙謝尤加意學校建青雲尊經二閣爲諸生肄業之所查復繡湖侵地百餘畝以租贍貧生又經畫一邑之水利或渚或泄民賴永利時天下方度民田邑長多煩擾失經僞與民約僅十條不旬日而事定無尺寸隱漏者或詫以爲神邑之大姓善逋賦其少年好勇弄兵僞一一以義勸諭安輯之旋膺內召補湖廣道御史風節凜然有中貴丐免房租數十間且托執政爲言僞竟拒之時上久不視朝僞謂治安不可狃乃以奉

高安縣志

卷之十四

宦績

三十三

天道防人欲信詔令廣儉德一事權定章奏惜人才斥巧宦養士氣清武事十事上疏言甚剴切併侵中貴遂撓上怒三日凡五易旨人無不爲僞危者僞亦自謂必死恬然待命友人文待詔貽以書曰此時當以槁木之心爲心以死灰之氣爲氣僞笑而復之曰君安得借禪以解我吾惟以我之心爲心以我之氣爲氣耳人服其度先是慈甯宮灾都諫鄒元標上疏未下僞併以爲言至是命下各廷杖上盛怒漏下三刻起出朝集百官視杖會雷雨大作執政力救上意稍解僞得削籍事載明史元標謫南刑部照磨卽日同出國門時又有曾健齋上言被譴故長安有江西三鳳之稱僞歸杜門數十年絕不

交通長安一字後臺省力薦疏數十上銓部擬補浙江道上以儁元標及諸切諫者名書御屏竟不起用老于林壑時論惜之儁天性孝友居喪哀毀過情友愛四弟所得俸餘悉以分給田屋推其腴華者與弟自奉粗糲以節儉教人喜談詩文養魚種圃以自適所著有蠹餘漫錄歿贈光祿寺少卿儁歿五十餘年佳城未卜康熙壬寅郡守楊朝公館次孫騰雲于署中因捐俸營儁葬表其墓

按明史范儁字國士高安人萬曆五年進士爲義烏知縣徵授御史十二年正月陳時政十事語皆切至而中言人欲宜防力以靡曼麴蘖爲戒先是慈甯宮

高安縣志

卷之十四

宦績

三十四

災給事中鄒元標疏陳六事忤帝意及帝邁微疾大臣方問安而儁疏適入帝恚曰嚮未罪元標致儁復爾當重懲之申時行等擬鑄秩帝猶怒將各予杖是夜大雷雨明日朝門外水三尺餘帝怒少霽時行等亦力救乃斥爲民明年給事張維新請推用譴謫諸臣詔許量移惟儁不叙給事中孫世禎御史方萬山等言儁不宜獨遺坐奪俸自是屢薦不起里居數十年卒天啟初復官贈光祿寺少卿

敖文正字嘉猷號龍華龍城人萬曆丁丑進士改庶吉士授檢討教習內書堂癸未分校禮闈辛卯補經筵日講官時神宗深居講臣循故事以講說進不得見天顏文

正講易推否泰循環之理冀其開悟明年擢洗馬署司
經局再分禮闈因邑苦浮賦里民叩闥文正爲言之大
司農會有阻之者遂以病告得旨賜牢醴金幣乘傳而
歸己亥詔拜少詹纂修玉牒未幾以少宗伯出領成均
知貢舉值宋史成具表以進語多規切不報改司翰篆
教習庶吉士再進講幃朝議屢推貳銓而旨竟中格以
冊立典授階通議大夫祖父如其官生平剛方笑顰不
以假人一日入都門見執政者執政漫語曰公未稱輦
上君子亦不佞未了事文正踞馬答曰天下事未了尚
多而甯是乎執政啣之其直節類如此故歷仕二十餘
年家居强半心存制行一以同里吳文端公爲法尤雅

高安縣志

卷之十四

宦績

三十五

重新建鄧文潔出處之轍頗同壬寅九月卒于官贈禮
部尙書賜祭葬辛酉諡文穆禮臣請卹稱其裊躬一意
清修仕路恥由捷徑人競進而己獨退世尙圓而已獨
方蓋實錄也

陳邦科字雋卿號警亭荷山人萬曆進士初知江都縣南
北衝衢蒞茲者一于奔走逢迎民事置不暇理政多窳
惰吏胥豪猾相緣爲奸邑賦籍相冒坐累貧弱邦科履
畝按籍稅之多寡虛實較不可欺至供億之費不漁于
下而上所徵辦毫不得溢于額擢南臺四載首陳十事
次請建儲論相申救彭遵古顧允成諸壽賢三進士之
濫黜訴李中丞材之誣獄按部江上賊挾貧民稱亂又

疏寬賦以摧其黨而計議某所當縱卒如其言守保甯河間盡絕弊孔尤多惠政會有大寇屬國天津隸海門戶條備禦十餘事多奇中其材畧類如此去江都民俎豆之歿于河間祀名宦焉所著有循良模範言責要覽辨問錄畱臺疏草及詠史詩閩瀛漫語

吳穀字熟之清溪人萬曆己卯舉人任河南舞陽知縣以丁憂歸遂恬退不仕苦節著聞

王綦字宗盛獨城人與弟莘同舉萬曆壬午榜授沐陽諭分典蜀闡擢令麻陽廉介有聲鋤豪拊善獠苗讐服檄調繁邑士民扳卧不得尋卒于官歸櫬日百姓遮送出墳謠云蒼天悠悠失我賢侯人不我奪天不我畱論者

高安縣志

卷之十四

宦績

三十六

高其才品

陳碧川赤士人由歲貢官冀州儒學訓導卒祀鄉賢輿論稱其孝友義方老而彌篤宦途有清正之譽林居餘長者之風

朱吾弼字諧卿社山人萬曆乙酉舉于鄉從李見羅先生講學以勿欺自矢己丑成進士初授甯國推官考成選南臺時兩宮灾弼抗疏引漢五行志備列天譴之由又疏請冊皇儲點閣臣補科道爲去三壅撤天下礦稅權使爲去一蠹不報弼曰事關宗社可一言已乎補牘再進時豺狼載道巨璫挽榷權窩巨盜幾釀不測弼極力糾彈人頌鐵面戊申起南光祿遷大理丞九卿大僚若

晨星上命首相典試實非令甲葉引嫌弼勸遵旨以將
順爲匡救地言者終非之弼引病歸將十載天啟改元
起大理少卿尋轉太僕邊事孔棘逆璫作奸弼疏時事
詞甚侃切然揣璫焰當大熾堅意乞休弼性剛直有大
節南臺政暇與郭明龍劉雲嶠諸公表章朱子之學晚
歲起田間直聲逾壯林居讀書吟詩立家約化鄉族尤
篤友誼嘗受蔡豕宰見麓之知撫其二孫如己子忌者
不能害蔡公不絕如綫以弼爲之死友也鄉有虎患爲
文祭之虎卽遠遁黨錮禍起每見時事卽流涕逆璫終
啣弼有迎合者構弼以奇禍璫使私人按驗甚急弼雖
卒家族甚危會懷宗登極誅逆黨孝廉孫恒敬上書訟

冤事遂解自少至老公誠直道允踐勿欺二字易箐猶
以訓後所著有密林漫稿奏疏數卷行世祀鄉賢
按明史朱吾弼字諧卿高安人萬曆十七年進士授
甯國推官徵授南京御史大學士趙志皋族弟學仕
爲南京工部主事以贓敗南京刑部因志皋故輕其
罪議調饒州通判吾弼疏論竟謫戍之奏請建國本
簡閣臣補言官罷礦稅不報山西巡撫魏允貞爲稅
使孫朝所訐吾弼乞治朝欺罔罪廣東稅使李鳳乾
沒奸人王遇桂請稅江南田契吾弼皆疏論其罪時
無賴子蠡起言利廷臣輒連章力爭帝雖不盡從
未嘗不容其切直雷震皇陵吾弼請帝廷見大臣講

求祖宗典制次第舉行與天下更始尋復言陛下孝敬疎於郊廟惕厲弛於朝講土木盛於宮苑榛蕪遍於殿庭羣小橫於中外正士困於囹圄閭閻以礦稅竭郵傳以輸輓疲流亡以水旱增郡縣以徵求困草澤生心衣冠喪氣公卿不能補牘臺諫無從引裾不可不深察而改圖也未言禮部侍郎郭正域疾惡嚴居己峻不可以行勘嗾其黨錢夢皋輩逐之去舉朝無敢畱正域及言楚事者吾弼獨抗章申理而御史林秉漢以楚宗人戕殺巡撫亦請詳勘且旣非假何憚于勘吾弼秉漢遂爲一貫等所惡會夢皋京察將黜遂訐秉漢爲正域鷹犬語侵沈鯉楊時喬溫純秉

漢坐貶貴州按察司檢校而夢皋得畱郎中劉元珍論之反獲譴吾弼復疏直元珍請黜夢皋因力詆一貫亦忤旨停俸一年遂移疾去居三年起南京光祿寺少卿召爲大理右丞齊楚浙三黨用事吾弼復辭疾歸熹宗立召還累遷南京太僕卿天啟五年爲御史吳裕中劾罷

傅文華字曰茂號元樸珠湖人萬曆辛卯舉人兩中會副初任奉新教諭課士有聲丙午聘充雲南同考所拔皆宿士陞故城知縣旱蝗洊至竭誠步禱竟獲甘霖復捐貲賑濟全活無算又令民捕蝗一石免賦一斗條上如議秩滿陞平樂府司李釐奸祛蠹風節凜然所屬賀邑

有稅監稅者歲數易官華以廉平專委踰歲賀素鮮水患忽夏潦衝汛其時民多至漂溺華多募輕艇撈救賀人頌華有蘇商興學救災之政以贊巡旁午脾病致仕陳良材字養之號豫華赤土人生時雷震有貴徵父碧川司訓冀州良材已成進士由北部轉郎中初授兗州守晉福甯憲副謂金山俯瞰東城不據是藉寇資也建議築之樓其巔曰無敵又礮山臺山增置戰船有舳艦相望之勢設遊舸置材官往來偵守春秋兩汛屆期駕舸遍歷要害黽宮蜃火之渠不敢向公治肆一喙焉以閩臬致仕

王庭芝字時瑞湖東人生而穎異試輒高等萬曆甲午領

高安縣志

卷之十四

宦績

三十九

鄉薦授壽昌知縣治多善政興利剔弊邑人便之竟以分校浙闈卒于署肖像以祀且誄之曰來暮不勝吁那堪奪乳慈痛民蒸佃髦試士殞荆闈天目熒成夢桐居淚作詩歌棠翻賦鵬忍讀峴山碑

陳儒字子明號鑑葦赤土人萬曆乙未進士由嘉興令至山西河東憲副辛酉陞雲南瀾滄道參政告致歸里敷歷中外二十七年所至輒有聲慷慨激昂擔當獨步不趨權不畏勢不避難不辭賤當神宗深宮不出東林講學赤熾烈焰于天下顧涇陽爲盟主附之者皆人望攻之者亦皆人望究竟附之者名攻之者亦名惟儒以實勝之無講學之名修講學之實勤其職業端其軌轍光

靜其神明令嘉興以此倅常州以此贊憲司以此司刑
曹以此守建甯潞安以此而監司河東則單騎定亂益
發皇恢霍之嘗閱東林公案獨儒維世道人心一疏中
云顧憲成還其爲顧憲成李三才還其爲李三才卽吳
亮自安其爲吳亮何議論之有此數句括盡大易剝復
夬姤四部而滿朝之附之者與攻之者俱可以掩面縮
躬而退矣儒家居一十三年蕭然淡素規畫地方利病
抗節于魏璫橫行之日皆鑿鑿有條撫院奏薦十餘次
年八十一祀鄉賢

劉日珩字季白號澗雲鈞山人萬曆丁酉鄉薦庚戌授丹
陽教諭課士得人秩滿陞閬中知縣潔己字民循卓冠

高安縣志

卷之十四

宦績

四十

于兩川當超擢會涿州缺守典銓以三輔要地非著素
望者不克任乃擢珩守州珩首修郵政大創响馬捕蝗
賑饑事事康濟尋內遷北京工部屯田員外奉差催餉
閩省復命晉郎中以朝廷崔魏之黨不清一意乞休生
平攻苦殖學善古文詞而不溺于文甲子八月與京闈
之役墜馬傷臂因作一手責文蓋隱然示天下以手援
不可之意矣里居十餘年性至孝友封君三奉玉音尤
以未沾祿養爲恨事諸父如父官俸所餘悉給諸從自
甘儉約族中子弟才雋者多方造就月立會課具供給
躬親較閱故鈞山一時人文之美甲于郡中而其子丹
生爲首發云

熊茂松字如承號衡皋中萬厯丁酉鄉試初授滄州知州有惠政鄰邑訟者咸請質于滄州聲譽颺起薦書十七上例應內擢以裁損驛遞厨傳失權貴竟故沮之量移汀州府同知汀屬八邑署篆者七所至興利釐弊必爲久遠之計七邑建祠以祀兩膺首薦時京師武備久弛朝議設三大營府經歷專董戎事茂松以才推內轉有府經歷管神機營務清出造作糜費銀三萬兩汰武弁之冒濫者六十餘員戎政尙書朱光祚特疏以薦尋轉刑部員外陞郎中屢讞大獄平反無冤俸滿出守寶慶愛民愛己一如治滄治汀寶人肖像立祠署額眞清置田供祭居家孝友無間焚黃之日墓產雙芝郡人士咏

高安縣志

卷之十四

宦績

四十一

歌以紀其事生平操守介然郡邑長雖多舊遊不一千以私惟爲桑梓計則不遺餘力如舊例減徵之類竭心血以之詩文書畫膾炙一時所著有餘清館集東軒遺稿行世閩楚皆祀名宦

鄒嗣藩字我介號屏南桂林人幼貧甚天資穎捷奉父家督下帷攻苦十九補諸生名噪錦江丙申食餼丁酉領鄉薦性素清介爲孝廉十七載不以隻字通長吏癸丑授東昌夏津諭遷粵西羅城知縣以病歸補河南汝州學正循例轉知順德內邱三載卓異聲著時璫焰甚熾朝議各州郡建祠肖像奉行幾遍方國鉅鹿又三輔近地勢不能後嗣藩進危言于郡長堅持不可及後璫敗

一郡九邑免于波靡之議實嗣藩成之丁卯入計當奏最主者擬以循良畱部會失梓里臺中意乃外遷揚州江防同知瓜地瀕海控江諸無賴子稱天罡稱地煞恃要津覆翼蟠踞江城擇肉而食嗣藩至廉其奸立殛渠魁趙科閔憲等餘黨斂跡瓜民如登衽席郡守徐公擷其能報于上兼攝清軍司李二篆而性清介不解逢迎忌者搆于直指誣以才力未優需調補或曰瓜羶缺也當事者笑豈河清乎一調停爲便嗣藩正色拒之曰瓜缺雖羶我官不羶火性則熱水性則寒寒熱之性固有定也安所得私卽解組致政歸琴鶴蕭然瓜民遮道里居十載課子睦族終歲不入郡郭郡守馬公史公邑令

高安縣志

卷之十四

宦績

四十二

蔡各典典型事之壽七十四

熊楫字用川號懷軒高明門外人隆慶己巳選元萬曆丙子舉人任廣東龍川縣令耿介自持廉明有聲以王事卒于京囊篋蕭然同里朱太僕賻之始得歸櫬

陳邦瞻字德遠號匡左荷山人萬曆壬午以禮魁鄉試戊戌以尙書成進士初授南廷評獄無冤民尋陞工兵二曹覈省歲餉萬餘金改勲部有人倫鑒太宰曾見臺深器重之陞分守杭嚴攝數篆咄嗟立辦錢塘故有湖盜鹺徒爲民害公廉其主名置法地方以安陞任閩臬持正不阿時中丞欲薦一私人憚邦瞻不敢發晉右轄以艱去服闋起分巡河北捐贖緩數千濬渠築堤開水田

數千頃復教以南方桔槔法爲百世利又建潞陽書院集士子講習磁人尸祝之晉左轄處置藩祿嚴出納禁羨耗諸所興革甚衆已而巡撫粵西歲大侵設奇救荒民忘其飢遷兩廣總制時上林土官黃德勛弟德隆及子叛德勛投土酋岑懋仁懋仁納之襲破上林殺德勛掠妻子金帛守臣問狀詭言德勛病亡乞以祚允繼邦瞻請討于朝會光宗嗣位卽擢邦瞻兵部右侍郎總督兩廣軍務遂移師討擒之海寇林莘老嘯聚萬餘人侵掠海濱邦瞻扼之不得逞澳夷築室青州奸民與通時侵內地邦瞻焚其巢召拜工部右侍郎未上改兵部進左天啟二年五月疏陳四事語皆碩畫又極言婦寺之

高安縣志

卷之十四

宦績

四十三

蠹畧謂上用宜節以免加派又謂乳母客氏旣出復入宰相倘有杜祁公便當封還詔書奈何政府不爭致上罪謫言者再蹈拒諫之失辭甚謬諤嚴旨切責邦瞻不爲懾已上載明史列傳已又條上安邊諸務時四方多事邦瞻

總理三部日夜憂勞邁疾卒旅裝惟故衣二箱而已性渾厚態度溫粹而矩矱則截然不可犯每論天下事義形于色博極羣書手不釋卷深有會入宦閩時刊布諸子語錄敬齋居業錄整菴困知記以救陽明良知之偏詩敦厚有氣得唐體文章根本六經有歐曾風經濟未盡舉朝惜之所著有荷華山房稿皇王大紀宋元紀事本末晚修宋史未竟贈兵部尙書鄒維連爲之傳壬申

祀鄉賢

按明史陳邦瞻字德遠高安人萬曆二十六年進士授南京大理寺評事歷南京吏部郎中出爲浙江參政進福建按察使遷右布政使改補河南分理彰德諸府開水田千頃建滏陽書院集諸生講習士民祠祀之就改左布政使以右副都御史巡撫廣西上林土官黃德勛弟德隆及子祚允叛德勛投田州土酋岑茂仁茂仁納之襲破上林殺德勛掠妻子金帛守臣問狀詭言德勛病亡乞以祚允繼邦瞻請討于朝會光宗嗣位卽擢邦瞻兵部右侍郎總督兩廣軍務兼巡撫廣東遂移師討擒之海寇林莘老嘯聚萬餘

高安縣志

卷之十四

宦績

四十四

人侵掠海濱邦瞻扼之不得逞澳夷築室青州奸民與通時侵內地邦瞻燔其巢召拜工部右侍郎未上改兵部進左天啟二年五月疏陳四事中言客氏旣出復入乃陛下過舉輔臣不封還內降引義固爭致罪謫言者再蹈拒諫之失其何解于人言疏入忤旨譙讓尋兼戶工二部侍郎專理軍需明年卒官詔贈尙書邦瞻好學敦風節服官三十年吏議不及

熊廷相字良甫號鳳原北城叢桂坊人洪才博學七赴棘闈以麟經擬弁者再幾得復失由歲薦授舒城學正陞四川遵義府推官飲冰茹蘖聲動當路直指首薦轉雲南新興州知州廷相引退三具疏得俞優游林壑四十

年閉戶著書不齒竿牘至若民生利病毅然自任如浮額封事無不經其裁定守令交相倚重捐館之日都人哀悼經十餘年論定學使者允兩庠公請附祀鄉賢議者謂其講學似白沙雅量似婁公蓋無愧云著有闕疑錄菴菁軒稿勸戒圖鑑藏于家待刻

楊繼詔大路人萬厯選貢任湖廣安鄉知縣豎文廟建義倉士民懷德陞嘉興通判有惠政民咸感戴各立祠祀之今楚越均有遺愛之思

舒翀字長翰號蓉城城北人性狷介少事攻苦髫年補諸生試輒冠軍郡守馬維陞延課署中其執經門人先後成名者指不勝屈闈試十數科累中副車崇正乙亥特

高安縣志

卷之十四

宦績

四十五

恩拔選部試天下第一授直隸河間府通判管宣府中路事奉部檄築城不憚勞瘁歲飢司農告匱軍餉莫繼委翀賑濟捐俸相資厯三載日以軍譁民變爲虞撫綏兢兢卒獲安堵三院疏題翀力乞休數請乃允父老涕送之里居之日都邑大夫奉爲道範焉

吳吉初字常吉黃筭人性簡淡徙居城市課生徒而外一切不與聞乙亥拔貢授粵東番禺縣丞適會城歲歉院司委賑飢捐俸以助兩臺疏其事陞河源縣尹征輸不名羨羅浮山寇竊發鄰封蹂躪獨至吉初治不忍犯解組之日行李蕭然同門朱總憲有廉節可風之譽

梁維新號鍾石二都銅湖人領崇正庚午鄉薦經魁癸未

以會副特恩授四川遂甯知縣中途聞大行之變未抵任而返鼎革後隱居高尙司李康公聞其節招之出山固辭不就翌日無疾逝曾有致命詩云底事牽愁到鬢邊女媧難補杞人天孔書不是終南徑生死關頭已了然可以知其志操矣先是都人苦水患維新請邑令蔡蠲一鄉賦築堤數里至今賴之

陳翰廷字維城陳家湖人元琛長子敦品行尙經術與弟輔廷同稱領袖丁亥應貢北上授廣昌司訓轉南豐教諭南昌教授商城縣丞陞陝西漢陰知縣邑故疲困翰廷衣布滄素字民如子大兵駐興元單騎督運釐剔之暇日課生儒披沙揀金有李令泉孔文休再見之謠後

高安縣志

卷之十四

宦績

四十六

以洛中署篆註誤開復候補卒于漢陰士民哀之相率斂錢助次子序扶櫬歸里著有恕菴詩集

楊世清號懿安一璫之父幼習文業尤熟春秋中萬厯丁未科武進士任廣東南韶裏海守備時武備廢弛海寇猝至公率疲卒數百禦之糧餉不繼拮据蠲助羣感其忠誠奮勇爭先殲厥渠魁獲船隻器械無算以功陞四川都司勅贈安遠將軍致仕杜門不出當事甚推重之爲之詳請建名宦才將坊于拱辰門外

袁一修起家椽曹有實行初選承天府照磨值沔水暴漲悉心築堤以防民患捐俸以賑飢者遷蓋屋主簿終南賊發招安之役頗有勞績再遷遵義經歷奢酋亂受委

督兵殞身王事父老哭尋其骸殯焉總督朱公燮元特爲請卹

國朝

熊坊字嘉會北城人幼讀書能文儻有遠畧務爲有用之學嘗語同輩曰聖賢學問當求有益于民生國計豈在章句間乎由選貢赴部謁選初授蒼梧知縣循良懋異有召父杜母之稱督撫重其才猷以特薦陞鳳陽府同知佐郡一意愛民黃堂資其贊畫三攝縣符雖衝繁劇邑無不恢恢乎游刃有餘丁艱服闋補常州府水利通判肅清漕政諸弊剔除致轉輸之不乏蒞事治民凡厯官之地隨其所值無不以實心行實政冰心持己鐵

高安縣志

卷之十四

宦績

四十七

面對人其素志然也解組歸里紳士奉爲楷模纂修邑乘凡有疑難悉往就正焉

朱珊字玉樹號鏡湖古唐人康熙癸卯領鄉薦廿載孝廉常以民瘼厪念向來高邑厪甲殘缺井里蕭索徭役苦多浮額趨給迫無息肩歷年最久受累極深珊日擊時艱挺然倡首備具利病累請當事縮厪併甲題報定例合邑德之壬戌成進士除庶吉士讀書中秘館滿授兵部職方司主事遷員外轉戶部廣東清吏司郎中壬申擢河南歸德府知府在任政簡刑清仁民愛士奉

命解米潼關洛陽孟津等處賑濟飢民凡往來費用俱係解囊一切科派陋規盡行革除旣而解組歸里閉戶著作刻

有鹿峯吟彝山吟燕臺草尺牘小品勸善諸篇行世且善書畫又善琴 天潢裕親王惠親王並器重焉裕親王親賜花滿曲江匾額惠親王親賜琴書自得匾額當代名公皆仰慕之如中堂張京江甬上仇滄柱三楚金會公南海洗三山尤加敬禮而列公詩歌贊頌已彙成帙生平無疾言遽色實有包容大度辛亥纂修縣志珊同諸君子贊勸有功壽七十有七而卒

徐日暉字潤友號敬齋生而歧嶷長益淬勵讀書作文不作第二人想年十八補博士弟子員當制藝靡弱之後暉獨能以方城爲宗寢食不懈康熙丁卯鄉試第一戊辰成進士選授翰林院庶吉士勤肄國書旁通子史詩古文詞卓然成一家言丙子典試山西咸羨得人晉庶子歷講讀擢國子祭酒在成均七年整飭科條甄別課試遇有傑出之才獎拔不遺餘力故一時人才蒸蒸蔚起甲午主順天鄉試一秉公愼所取士皆魁竒卓犖冠冕羣倫共稱得人之盛寒冰玉尺未足以喻之晉少詹掌坊事幣帛書籍頒自 內府

溫綸疊錫以江國書生素鮮結納而名動

主知歷階侍從蓋其文章氣節當時實莫與比倫者人以爲有舒梓溪鄧文潔兩前輩之遺風焉日暉學有本原嘗曰未靜宜主敬既敬自生靜得濂溪主靜之旨性至孝痛父母歿寓齋書停雲二字以誌永思其爲文雄深肅括

著有停雲齋集敬齋稿行世庚子崇祀鄉賢

朱軾字若瞻別號可亭坡山人人生秉異姿弱冠束身勵行
心通經史學聖賢體用之學言動不苟原本日深爲今
古文成一家言雖壁立蕭然志不在溫飽識者謂有先
憂後樂氣象康熙癸酉領解甲戌登第選庶常改授潛
江知縣以清直著潛多水患俗敝賦繁軾拯救匡挽無
遺力頌聲大作有鬪毆命案據情審擬忤長官意軾曰
故殺罪不赦畏黜枉斷不爲也卒應卓薦遷刑部主事
陞郎中己丑分校禮闈隨督學陝西本平日所得力于
其鄉先儒橫渠先生身心性命之實學爲諸生勸謂張
子生平宗旨在于知禮成性變化氣質于是刊錄其書

高安縣志

卷之十四

宦績

四十九

標闡開示正學豁然大明而頽風振積弊蠲秦中尸祝
俎豆謂自楊文襄以來僅一見歲試冊報部科缺費中
以遲延議降調科試尙餘二府比鄉場三秦七千士齊
請撫軍處丐保畱聞于朝尙書韓城張公奏言朱學使
公愼廉明實空前絕後軾由是得竣科試事代者至坐
觀以待壬辰補光祿少卿乙未超四級擢奉天府尹威
惠兼行而鎮之以靜旂民安堵邊境晏如尋轉通政使
巡撫浙江下車以察吏維風爲急務而獎廉懲貪去奢
從儉皆身先表率之一時吏播循聲民崇古道稱天下
治平第一海甯上虞等縣數被潮患或築塘或改土塘
爲石塘工程大議者多難之軾執奏得請至今塘固民

安視西湖蘇白堤厥功懋矣庚子陞都御史丁父艱
聖祖倚毗方殷畱任守制軾請終喪疏七上不允時西藏用兵
乃奏請墨緣從戎得差往山陝辦賑濟條陳事宜如罰
貪員禁遏糴勸捐輸平糶截漕水利倉儲開墾安撫流
民諸荒政並照請行其積貯疏則通行直省天久旱軾
虔禱立雨晉民有動天地泣鬼神之神頌事竣請假葬親
不報再差往山西試行水利社倉旋又差往陝西會審
魏二等案還朝始准給假歸家辦葬事甫竟

聖祖升遐卽星馳北上

世宗嗣統勵精求治任軾如左右手

御書朝堂良佐四字賜之轉吏部尙書癸卯

高安縣志

卷之十四

宦績

五十

恩科典順天鄉試加太子太保晉加太子太傅母八十壽乞假

歸慶

欽賜御書匾額對聯及帑金珍藥緞帛等物回京典

恩科會試又典甲辰正科會試乙巳補授

文華殿大學士兼吏部尙書寵眷日隆責任愈重而謨猷

益廣直隸興修營田水利軾與 怡賢親王殫心經理

備極慘淡丙午遭母喪堅乞終制同日三奉

優詔慰畱之賜祭賜帑金暫准回籍守孝百日軾感且泣歸營

葬畢迫起身將抵都已奉

特旨遣學士何國宗副都統永福出迎賜膳着在內閣兼吏部

都察院行走照 怡賢親王例素服視事凡朝會宴饗

俱不必到嗣以失察呂畱良私書鐫職畱任未幾復原
職總修律例書成議敘兼管兵部尙書事又兼翰林院
掌院事乙卯浙江海塘大工興總理者難其人軾請願
往報可遂行至德州聞

世宗賓天回轅及阜城接奉

純皇帝詔旨召還着總理事務王大臣處協同辦理

賜世襲拜他喇布勒哈番先是

高宗在藩邸軾侍講讀啟沃多年信重有素股肱心膂于軾攸
寄軾亦念受

三朝殊恩知無不言言無不盡獻替可否毅然以天下爲己任

凡保薦賢員普免浮糧恤刑貶封等疏皆乾隆元年所

高安縣志

卷之十四

宦績

五十一

奏允施行者

恩科復充會試總裁官又充三禮館總裁官夙夜盡瘁八月疾
大作

高宗累賜醫藥帑金諭 和親王先往看祖次日

御駕親臨注視良久慰問者再旣歿

高宗輟朝一日復親臨哭奠恩禮優渥超絕古今軾爲人簡重
端嚴志潔行方中立不倚外捍封疆內安社稷匪懈之
誠數十年如一日晚年益沉潛宋儒理學言行必顧體
用愈純以故疊承

恩寵極人臣之分無間言者易箠日遺疏惓惓以正君心培元
氣抑聚斂燭賢奸爲陳說壽七十有二

欽賜勅葬加祭兩次贈太傅入祀賢良祠諡文端所爲詩古文
手定傳稿著大易春秋詳解禮記纂言周禮注解儀禮
節畧訂正大戴記呂氏四禮翼孝經管窺溫公家範張
子全書顏氏家訓又輯歷代名臣名儒循吏等傳百餘
卷與輶車雜錄廣惠編諸書並傳于世子必堦大理寺
卿璵翰林院侍講學士左春坊左贊善必坦世襲騎都
尉任刑部郎中

徐佐字翼之號仁軒仁濟坊人中康熙癸卯武科分守直
隸河間衛協理屯民恩威並用聽斷虛公民無冤獄一
時囹圄肅清剔盡從前積弊衛民雖悍久且自化並督
河工防護惟謹受任七載堤無衝決遠近居民地畝廬

高安縣志

卷之十四

宦績

五十二

舍共賴安全居官治行歷歷可稽其家居未仕時卽心
切救民康熙庚申辛酉間邑之胥役擾民特甚佐不避
嫌怨以一人獨任呈請禁革上憲洞燭審實究擬大中
丞安公檄飭勒石永禁刊刻成書至今猶存各鄉夙害
頓除民藉以安厥後科甲綿延仕籍踵興咸食其報云
梁以漢榜名倚漢字天章號水亭溪上人領康熙丁卯鄉薦己
丑會副任山東登州府棲霞縣知縣棲地海濱疲劇難
治漢至持廉守正盜賊遠避橫暴屏跡時有豪貴謀霸
孤產欲干以私挾以勢漢正色拒之豪亦慚服合邑旣
懷其德又畏其威解組士民扳轅卧轍如失慈母孫峩
山送之以詩有涸轍甫挹西江水文旌旋返南浦雲子

家郁貢成均家駒登賢書

毛豸繡字憲秩號 水橫港人天性孝友聰穎異人初應縣試劉祉取冠一邑人服其識弱冠補弟子員隨食廩餼戊子領鄉薦家雖壁立清介自矢居鄉督課後進以敦行立品爲先所得束修奉養高堂婚配弟姪不私其子故終身未嘗析箸宰祁門其地文教少衰豸繡捐廉俸倡修學宮聚生徒肄業其中簿書暇親往講貫文風遂振連科獲雋者甚多歷任三載冰蘖自矢而安良善戢奸宄則不遺餘力也恩威並用士民戴德循聲上達藩撫議以卓異會丁內艱歸里在祁之日衙齋不延幕友躬自勞苦養廉之餘稍置田廬三子兩弟三股均分

高安縣志

卷之十四

宦績

五十三

人咸稱其孝友服闋赴部補職卒于京迎柩過江甯祁人不遠數百里奔號弔奠其德政之感人如此子世興世隆世榮俱髫年遊泮皆謂孝友清廉之報

劉振昌字麟子號後湖西陽人選貢任浙江壽昌令健之孫邑庠生鶚之子爲人謙光和藹淳謹信實穎慧絕倫少孤事母至孝弱冠領康熙辛酉鄉薦辛未會副任鄱陽教諭課士甚勤沐其教者如坐春風中貧士執贄見者輒卻不受或至捐俸以週困乏時歷義學蒙館爲童子正句讀冠者評會課在任十五載陞南昌教授未赴任卒于鄱署囊乏一文多士斂財助殮引紼之日黎民亦皆號泣奔送見鄱陽名宦志

徐爾大字域三一字訥菴襁褓失恃及冠肆力詩書三年而成舉子業中癸巳

恩科鄉試時方廿齡也試南宮屢薦不售遂外簡爲民牧宰陝省之麟遊縣者九年其治身也刻苦嚴密其造土也養與教俱其撫民也若慈母保赤事上則敬而無諂事有不便民者卽告大憲銳意行之敢爲抗爭不苟爲阿順以故沉淪不遷後因疾乞休去麟之日士民餞送流涕扳轅如別父母肖像祀之

陳守創字業侯號木齋荷山人也十歲博游文藝有神童之目年十九領康熙丁卯鄉薦甲戌成進士授翰林院庶吉士散館改知保定府高陽縣事赴任值奇荒請發

高安縣志

卷之十四

宦積

五十四

倉賑飢格于上官慨然曰際吾民展轉溝壑之日忍立而視其死也乎矯檄發之參罰不辭也爰是民慶更生有滿地和風來內翰一天甘雨自西江之頒又我

朝圈地給旗人高陽圈地二萬餘畝先時種圈地者止輸地租後并稅及廬舍訐訟累歲乃判曰焉有畊地而露處者哉于是圈地房舍永不收租撫高陽十有三載興養立教發奸摘伏不可枚舉以薦拔稍遷知順天大興縣事丁艱扶櫬南歸哀泣烏烏悲感行路服闋時朱文端公巡撫兩浙特薦天下賢能三人創居一焉

聖祖仁皇帝以海疆要缺需人授江蘇常熟縣常熟劇邑也賦額二十餘萬積年逋欠不清創任事官不收火耗役不

聞需索邑之人歌曰陳公第一好清官國課徵輸限獨寬昔日許多差役費而今俱作正供完尋奉行取口舊太倉監督旋陞工科給事中調中南倉監督康熙六十年時值

世宗憲皇帝爲藩王日奉

命查倉親覩敝筭一篋布被一床庖廚所炊僅僅黃芽菜小米粥而已

世宗顧謂之曰太倉之粟陳陳相因豈少監督飯而苦節若是耶是天下第一賢員也不踰月而

世宗纘承大統首擢爲順天府尹雍正元年授倉場總督兼戶部右侍郎數月之內超列巨卿知遇之隆近世以來未

高安縣志

卷之十四

宦績

五十五

之有也創膺天庾重寄剔弊除奸詳載定典至今旂丁無追呼之擾漕運無遲悞之弊皆其力也雍正五年奉旨較閱會試迴避卷夏雨連綿米色滲濕落職賠補估計家產僅得銀四百三十兩有零歸家杜門中丞謝公聘主豫章書院訓諸生以正心修身之學不徒爲帖括家言一時從遊者類多明體達用之士雍正十三年十月

純皇帝御極追念

先朝耆舊

召爲順天府尹創兩尹京兆正已率屬明察鉅細清操勁節老而益堅尋遷都察院左副都御史旋以年力衰頽累疏乞休

聖主溫諭再四固請始得允歸里後優游林泉或偕父老追往道故或與後進講學論文年七十有九終於家著有舉業字學會通易經講義四書制義易經文稿畱餘堂全稿行世

朱焜字仲昭號丹亭北坡之次子軾之仲弟也自幼氣宇軒昂姿性英敏與兄軾閉戶讀書淹通博洽砥行礪節鄉曲咸推重焉後軾貴而焜屢試不售援例入太學選滇南賓州州目所知謂非宦遊佳地焜曰官雖小地雖僻亦有治民之責一絲一粟不敢濫取而于興利除弊有益于民者無不毅然爲之上憲憐其才大而小試委之入都以圖大用而父老攀轅不忍別後効用軍前以高安縣志

卷之十四

宦績

五十六

功授漢中西鄉縣令到任務以德化民設立義學作養人才刊有省身錄呂叔簡先生刑戒未幾以撫字心勞得疾竟卒于任黃童白叟無不涕泣哀號焉

劉太清字平宇鈞山人也生而穎秀以遠大自期器識度越恒流由國子生隨例謁選簡發雲南試用初署石屏州兼管大理府錢局夙夜勤慎鈎檢簿書區處得宜吏畏民懷政聲大著隨委分修金沙江雖工程繁鉅凡諸險要不久完固告竣遂補蒙化府經歷其地西界緬甸氣候炎瘴不辭勞劇馳驅箐霧邊塞救甯題陞永善縣知縣以瘴發邁疾未及赴任而卒使天假之以年得以展其經猷功名事業未可量也乃豐於材而薄於算聞

者惋惜

朱之鐸字警我幼從祖訓指授有方爲文崇尚理法得先正之遺中乾隆己未科進士授臨江府教授正身率士課業先德行而後文藝有蘇湖風範卒於任柩歸白衣冠送者環河如堵皆爲涕泣

朱必坦字履吉軾之幼子自幼歧嶷軾甚愛之嘗口授書爲之講解卽曉大義稍長好詩古筆力高超雍正己酉拔貢中壬子科舉人世襲騎都尉以廕生任刑部河南司郎中讞獄平反人稱神奇爲長官所器重體素多病告假歸里閉戶靜攝卒不永年

陳規和字育仲荷山人幼孤事母至孝以祖守創廕入成

高安縣志

卷之十四

宦績

五十七

均讀書例滿授中書居官清謹有祖風歲辛酉祖謝任和乞假送歸依依祖側不忍遠離越七年祖以壽終和哀毀致疾愈復發卒不瘳彌留之際有淚無聲若倦倦於其母者妻章氏喻其意以奉事太孺人如夫子在時爲任乃瞑時年三十有三無子人有伯道之嘆

吳學濂字遜周號淨友城南石橋頭人康熙壬辰歲貢授臨川訓導教訓有方臨川士子勒有教思碑臨行復勒去思碑及刻天慶元音詩集以誌謳思特陞知縣歷任新陽原新陽有新荒田畝深爲民累詳請豁地丁銀一千五百餘兩漕白米一千七百餘石調任溧陽右開河築堤救荒課桑修 聖廟立義學修溧陽邑乘興育嬰

養老諸實政溧紳大學士史公貽直大宗伯任公蘭枝
立有碑文現豎溧陽學宮并載溧陽誌勤勞卒於任勒
有遺愛碑文詳溧陽縣志著有對筠課藝鶴山吟詩集
行世

盧立坊字賞懋上湖人夙負聰穎學行兼優中康熙丁酉
經魁乾隆二年任廣東增城知縣上憲嘉其廉明遷南
雄通判嶺表風俗大振迄今士民歌頌不衰以上俱舊志

朱必堦字玉墀號愚峯文端軾之冢子丰姿歧嶷氣度軒
舉癸卯以

恩蔭授戶曹旋擢郎署復膺

簡命出守天雄軾爲子懇辭

高安縣志

卷之十四

宦績

五十八

上問何故以保舉無人對

上曰朕自保之其可乎迨抵任政簡刑清闔郡士民罔不悅服
先是直省風俗父母歿延僧道誦經又邀梨園子弟演
劇觴客恬不爲怪堦惡之于是曉以大義發其天良俗
乃易尋厯鴻臚寺卿轉豸史遷都察院僉憲隨晉通政
司右通政西辰丁外艱扶櫬歸踊哀痛見者莫不掩
泣服闋補太常寺正卿適東土災青奉

上命查核條陳四事皆切國計民生原摺

上親批發深嘉與之陞大理寺正卿倚任方殷而堦淡於仕進
告假還鄉矣林下圭璧飭躬不事干謁書法精妙索筆
墨者無虛日或有強作解事詢及政府輒默不應辛未

覃恩誥授通政大夫辛卯恭祝

萬壽卒于京年臻七十

朱堪字聚五號碧齋文端軾次子天資奇傑學問淹博厚
自期許一望知爲天祿石渠之選雍正癸卯鄉薦乾隆
丙辰進士

欽點翰林院庶吉士讀中秘書散館授檢討旋晉右春坊右贊
善爲青宮領袖復晉侍講學士顧問彌殷會

覃恩誥授中憲大夫辛未科會闈充同考試官分校易一房得
士凡十有二若陳筠張素鄔昇輩皆一時名下士國子
學爲九州儲才淵藪堪司業其間多所成就化雨宏敷
桃李成蹊者蔚然壬申奉

高安縣志

卷之十四

宦績

五十九

上命祭告嵩山恭恪將事無忝乃職自釋褐以來屢膺清華重
選如衡文造士祀神諸大任惟堪是寄知遇之隆

主恩之渥夫豈偶然哉生平飭躬端嚴動必以禮謙和其素與
物無爭而事關大典則風節凜然確乎不拔癸未告致
歸里卒于途次厝于西龍山

吳學山字靜思龍山人由歲貢生考授鑲藍旗教習觀政
兵部充內廷行走乾隆乙五選授安徽霍山縣令操己
嚴重涖官清惠不可干以私甫下車見邑中科目寥寥
爰課生童拔其尤者獎勉之季課月試以鼓勵之暇日
又爲之講說經義人皆感奮山曰科目盛衰雖本人傑
亦資地靈昔范文正公守饒右卜移鄱學於芝山之麓

謂地形宏敞必有大魁名世者已而彭汝礪果以第一人入臺省著風節霍邑百年來寥落如是豈地勢容有未振者歟爰於東南隅建文昌宮以培養形勢旣而念日霍邑生監不下百五六十人而三載與賓興試優等率不過七八人雖欲雋得乎加以科舉例嚴學使者又駐劄太平府路途紆遠資斧艱難雖錄遺亦爲罕至適有亭雙公督學安慶山具緣由上稟因得科舉五十餘名錄遺另稟咨送又得三十餘名是科鄧生曰萃果中魁選嗣後周生仲連鄧生之駿程生在嶸皆先後掇巍科而程生復捷南宮皆山所特拔而賞識者也科名自有定數邑人皆以爲百三十五年盛事非山固莫由至

高安縣志

卷之十四

宦績

六十

此庚午壽州水災委勘者與州牧隙竟以不成災聞復委山山窮歷鄉邨分別輕重稟請開倉便宜從事道憲許松詰曰前勘災者止說三分何參差若是因親勘則大水汪洋僵尸滿野乃悉如山議壬申楚匪煽逆蔓延江省山不避險阻悉力搜捕匪黨以次就獲其牽涉無妄者虛中研詢立請矜釋一時賴以昭雪者且數十百人獄成議叙軍功一等加一級乃乞養親以歸蒞霍九載兼攝英山篆六安州篆清惠端莊愛民禮士所至有聲

徐尙忠字移作號靜齋日暉之孫爾昌之子年十七入郡庠旋食餼由辛酉拔貢充補右翼宗學教習歷任福建

漳州通判及光澤甯化連城漳浦諸縣循良報最士民
悅服旋擢任廣西賓州永安鬱林諸州迨署泗城府篆
其年六十有七卒子官子二並登仕版

朱之元字乾大號易亭社山人以弱冠中康熙乙酉鄉榜
雍正二年分發四川委署潼川之遂甯遂爲僻壤養備
而教未興元捐俸設義學拔其姿之殊尤者十人延師
訓迪公餘身親講課文風以是駸駸日上會學使者案
臨潼郡試遂日大爲賞識所拔之士十不遺一無不服
其藻鑑之精遂邑例有鹽課累民病商元毅然稟請大
憲革除以親老力辭歸後奉

詔凡在籍人員赴部觀政以次銓選籤掣山東平原引

高安縣志

卷之十四

宦績

六十一

見改調舞邑隨卽於履歷摺內備陳親老終鮮兄弟乃聽終養
年九十有四甯靜自愛足跡不入城市家居惟以讀書
立品爲兒曹勗乾隆庚午纂修邑乘當事廉其賢且能
曾三應鄉飲大賓之選

吳易峯字方泰號怡亭龍山人弱冠舉於鄉爲文洋洋灑
灑輒數千言初以明通除興安學博尋揀安徽歷署州
縣所至有聲最後補太湖時湖邑苦河患峯相度機宜
督夫疏築是謂西河西河西更闢熙湖書院捐置田畝
公暇卽與諸生校程居官崇簡易入無羅綺之飾出鮮
輿從之紛嘗於廳事額曰民近蓋取民可近亦寓平易
近民之志也聽獄務以德感兩造備必平心鞫勘無情

者不得盡其辭至有自恥終其訟者官皖十餘年凡設
施古循吏莫以過秩滿奉

旨以同知用卒於京湖人立祠祀之

朱必塲字冠千焜之子文端公從子也幼穎異長而積學
雍正癸卯領鄉薦授安徽潛山令潔己愛民撫字有法
作興潛嶽書院捐給膏火造就多士潛人今尸祝焉

熊定猷字黼臣號筠溪南城仁濟坊人懋瑚之孫由拔貢
生正白旗官學教習分發福建知縣歷署長泰甯洋平
和漳浦事皆有聲補閩縣知縣處首劇恒若無事桂林
陳文恭相國撫閩最受知有大獄必付之鞫治全活者
無算相國去閩遂爲忌者所中挂冠歸課子中砥成進

高安縣志

卷之十四

宦績

六十二

士姪中文登拔萃科中翔中達皆入郡邑學孫曾繼起
爲邑甲族云

吳躍龍字雲津號霖川龍山人年少成進士事父母孝養
備至初籤發四川署彭水其地雜苗猺舊俗有蓄婢不
爲婚配婚配不待媒妁等弊躍龍下車首懲之併作歌
以勸繼署蓬溪蓬溪嘔匪嘯藏夙稱難治偵獲頭目一
人置之法餘俱逃遁 制府策公楞因以第一能員
題補名山未幾以內艱去服闋補湖北嘉魚前後三年
尊賢禮士鋤莠安良絕包苴廣愷悌舉非俗吏所爲旋
調江陵陵名甲楚北當七省要衝案之積若山躍披閱
數晝夜畱牘悉清邑有神君之頒視名山嘉魚等縣烹

小鮮耳特以奸誣被劾中濕而殂才不竟用惜哉
徐尙孝字行先號竭齋幼穎慧弱冠補弟子員以雍正乙
卯拔貢考授內廷教習分發山東任沂水縣丞旋調長
山厯署清平城武蘭山淄川諸縣後擢郟城令解任年
餘復補聊城越四年丁內艱服闋隨補江蘇興化縣令
服官四十年廉靜寡欲一以愛民養士爲心年六十三
卒於官署其子爲邑增生

吳廷試字壽臣號介堂黃笈人孝友性成淹貫羣書弱冠
補博士弟子員丙辰領

恩科鄉薦壬戌科中明通榜秉鐸西昌訓士有方多發名成業
之士旣而授直隸州鄜州司馬旋署本州州牧禮士愛
民有利必舉無弊不除蒞任未及三年以疾卒于官署
鄜人爲之出涕曰古之遺愛也

高安縣志

卷之十四

宦績

六十三

劉發純字爾厚號立峯一都西村人少穎異年十四補博
士弟子員由拔貢生考取教習授弋陽縣教諭辛酉領
鄉薦補任靖安教諭所至訓飭士子以立品爲上文次
之凡遊其門者咸爭自濯磨士風丕振後其子署弋陽
司訓晉謁者猶嘖嘖述其教澤云

楊志僑字惠人號立亭進士蘇臣幼子生而穎異爲文奇
警補弟子員旋食餼雍正乙卯拔貢充正白旗覺羅教
習期滿授湖口縣教諭加意作人一時門下士盡屬桃
李如曹公步廷司鐸於此猶仰彼遺風焉卒年七十有

五其子亦登鬢序

吳大生字履祥號健齋學山長子也邑廩生有聲序序由歲貢授直隸廣宗令以廉能詳慎稱在任八月辦理進勦金川兵差糧餉悉中調畫

翠華南幸隨

鑾辦差不累於民前後議敘以外艱歸起補陝西延川縣延川古白翟國新經旱災人民凋喪井里荒虛大生加意撫綏廣爲招集始有起色俸滿以同知用借補鳳翔府通判蓋蘇文忠舊治也耑管水利鹽捕政間事簡大生先後督修靖邊城垣辦理兵差糧餉軍裝騾馬及凱旋事宜議敘軍功中間署西安同知篆俱以辦差故帶印

高安縣志

卷之十四

宦績

六十四

辦事刻無甯晷後內艱補雲南同知兼攝呈貢事以疾卒于官

吳霽字子卿號瑞屏龍山人性質直廉謹人有美則樂成之遇事輒能任爲文峭折古奧常自敘得力燕北之遊中乙榜需次司廣昌鐸教人先行後文貧者每益之資凡月課必集鄉城生監會明倫堂扃門角菽日再具盤殮納卷後復肆筵與諸生論說極歡而罷衡定召請生當面批示優者給紙筆費有差司訓亦倣之輪次遂著爲例先又廣邑齋署傾圮來官者僅堂右翼屋三間爲棲止計然亦苦無門垣霽捐俸倡修簽老成者董其事規模廓然後數年以老告休門人難計畱因建祿位謀

俎豆焉霽退居十年餘每過親友雖遠必步行校讐之事窮日夜力不知倦燈下常作蠅頭小楷壽躋八十五無疾而終著有貢雲編傳經堂稿

徐尙義字耕次號質庵爾昌三子幼勤學長入庠補增丙子貢成均遵例捐縣丞分發雲南借補永北廳經歷在任五年政聲懋著吏畏民懷壬子丁母艱服闋補授河南衛輝府經歷潔己奉公辦事勤敏上憲嘉之委署淇縣更恢恢有餘歷任四載以疾卒於任士民感悼年六十有七

吳基龍字開先又字荀伯號樸齋龍山人少聰穎弱冠補弟子員由拔貢考補

高安縣志

卷之十四

宦績

六十五

內廷教習中北闈副車任貴州安南令歷署普安荔波令平遠州牧護理大定府印務凡所至設學校明賞罰勸農課士諸善政不可枚舉以故苗氏感格俱稱爲召杜云至潛心經史雖老未嘗一日釋卷其文雅正清真詩亦雄健一時名下士多出其門刻有易山試菽看花詩行世生平重然諾好施與不事產業有勸之營者答曰積粟不如積書祿廩雖薄在我則有餘田地何所取乎甲辰致仕兩袖風清弄孫課子樂道安貧壽七十三卒

熊中砥字東川號近亭仁濟坊人定猷子由郡廩生中乾隆乙酉科舉人第二名丙戌成進士歸本班選授山西陵川縣知縣不事營競在官十三年不得調意亦安之

縣爲元郝文忠故里而士風殊朴曾爲立書院擇其秀異者教之地距省會遠每鄉試多憚行爲之勸駕飲以僕馬資數年漸有預薦者士益奮厲乾隆癸丑卒于任紳民皆哭失聲道光辛巳仲子如洵授河南新鄉令相去三十年矣縣接山西境陵川人有聞之者走數百里爭持土物來餽遺問訊如親舊然其不忘如此丙午戊申兩校晉闈稱得人

歐陽麟字繡峯號雲莊碧落巷人家世業儒以邑庠中乾隆丙子科鄉榜丙戌揀發廣東初試博羅潔己奉公治獄平允上憲並嘉與之卽委任瓊山崖州諸缺剖決如流人頌神明後補授會同令卓卓有政聲將膺保薦計

高安縣志

卷之十四

宦績

六十六

典適以父憂去服闋赴部候補卒於京

况禹謨字敷五二十二都高沙人由貢捐授雲南白石井鹽課大使調劑得宜民甚便之歷署府經縣丞護理白鹽井提舉皆清勤有聲調補麗江井繁缺值緬匪不軌委辦戎事不辭勞瘁卒于虎踞關上憲憐而奏之蒙

恩馳驛歸葬

胡諮聖字訪周號谷齋一都瀘溪人以名孝廉初爲泰和學博造士有方深得蘇湖遺範後選授山東陽信令未抵任奉委署武定海防分府聖加意巡防俾民安堵大有循聲迨蒞陽信視民如子而於漕務尤著善政陽之漕數累萬向苦收兌擁躋守候需時聖乃分別都里按

日爲次曉示先期遂有隨到隨收之便其於些微短欠概從減抹不復取盈是能普美利于不言者惜在任未久而以疾卒歸櫬之日民懷其德號泣而送之且將立祠祀焉

徐尙文字郁周號樸齋南城仁濟坊人少隨兄任於閩魯等處卽能嫻熟吏治及遵例銓浙江縣丞各憲以才力兼優歷署繁縣屢任大差無暇歸原缺者十餘年賢勞素著乃以卓異離浙陞授廣東昌化縣知縣兼署龍川因理繁治劇過勞受病乃卒上憲深悼嘆之

傅遵業字循先號繼庵祖國植父四美俱見敦行業年三十貢太學考授州吏目乾隆二十七年分發廣東借補

高安縣志

卷之十四

宦績

六十七

楊山縣淇潭司月餘調連之星子舊有常平倉穀至是虧欠者多遵業廉知其爲書吏侵漁勒令彌補一時莫不稱快其他事類如是焉任滿調南隩南隩潮州之負山濱海者其盤詰控御較星子尤難遵業經理悉當泣任之明年獲巨盜二十餘人訊鞫明允上憲方以卓異待陞尋抱病卒于署位雖卑所至皆有聲潮州府倅張公嘗爲之傳焉

徐承爽字棠伯號憇亭尙忠長子天性惇謹潛心文菽補博士弟子員十餘年以優行貢成均就教諭職後遵例加捐鹽場大使分發浙江補授鳴鶴場大使在任六載凡商民有爭訟罔不立判清廉正直上憲咸珍重之旋

丁內艱歸里以疾卒其年五十有六

賈飛鵬字九萬南鄉畚山人乾隆二十年由監生援例

任亳州義門巡檢居官勤慎不擾民以自奉在職二載布衣蔬食無異寒士恪修其職士民稱之引疾歸卒

朱必考字最程爨之子文端公從子也雍正癸卯舉於鄉授福建安溪令潔己奉公苞苴不入整風剔弊吏懾民安以宦情恬退告歸民甚懷之甲戌與修邑乘未竟而卒

朱必坊字衛道炯之子文端公從子也弱冠獲雋於鄉授雲南定遠令賦性清剛忠信明決片言折獄吏民無敢欺者尤精於繪事尺幅至今寶之

高安縣志

卷之十四

宦績

六十八

朱必墩字仁安文端公姪炯仲子也以髫年舉於鄉任旌德縣令明巡按御史朱實昌曾宰是邑卽其支祖也墩惟率祖攸行愛士恤民教養有法殆數典不忘者歟
朱必壘字直之炯三子由例監選授山東壽光丞以卓茂遷商河令庭無畱訟民咸德之

朱洛臣字禹書坡山人自幼甘貧力學乾隆辛酉選貢朝考取列優等領景山教習期滿以知縣用授靖江令歷任興化鹽城諸邑愛民潔己所至有聲卒於鹽城官署邑人思慕不忘

朱紹功字德求侍講學士璫長子乾隆丙辰舉於鄉任江蘇安東令愛民如子廉介自持復任廣東澄邁四會署

糧廳所至皆有聲尋以懦弱請改教職選金谿諭訓士
惟敦實行不徒以文藻相尙秉鐸數載歸而卒於家

朱禮陶字醕儒號靜菴坡山人才識超羣遵例議叙知縣
籤掣山西壺關令取簡刑清尋以內艱去服闋補授河
南南召調武陟兼攝孟鞏二縣所至有聲以卓薦陞無
爲州牧尋陞福建泉州府知府整飭吏治加意人文士
民悅服後以喪子抱慟告致歸里去之日琴鶴蕭然

徐業字繼可號克亨筠南石橋人秉資穎異幼依 大翁
竹岩先生膝下授以經書耳聆心得學有淵源嗣由明
經司泰和鐸樂育愍拳間分微俸以資貧乏其時如姚
雪門先生輩深荷栽培至今德之厥後兩次服闋補任

高安縣志

卷之十四

宦績

六十九

初爲新建司訓兼篆南昌學化雨春風雅擅蘇湖之號
繼補上饒其學素少郡庠自公教澤宏敷文風丕振每
歲科試所得郡庠遂不減他邑旋以俸深陞南昌學諭
饒邑諸生祖餞于道幾連十里蓋重感其嘉會學校之
功也及抵南邑駕輕就熟舉學中之文行卓著者悉報
以優是科優選南邑邀大半焉文宗亦重嘉之計秉鐸
三十年分訓十餘學年逾古稀而致仕其文章經術遍
聞江右矣爲約舉之以志其槩

朱德輔字先立號彝庵一都清湖人幼習舉業屢試未售
循例捐納從九選授廣東茂名縣平山司巡檢潔清自
守其地有蘿蔔橋一座道當通衢因遠年傾圮往來病

涉遂捐俸修葺經兩載而橋成人皆德之厥後督理滇
餉路受烟瘴回署患病蒙 上憲委管粵海關高州總
口稅務自揣不能痊愈乃告病而歸宦橐蕭然平山士
民立有棠蔭匾額其生平概可想見矣

朱笏臣字子搢號三省坡山人積學嗜古立品端方由邑
庠而食餼乾隆丁卯科獲雋於鄉揀發授安義教諭課
士有方行先文後士習于以蒸蒸日上四十五年奉部
截取選授甘肅鞏昌府漳縣令甫下車潔己奉公愛民
如子發奸摘伏人稱神明猶竊竊以素餐爲慚顛請改
教復補贛州龍南教諭尋亦歸里適本邑纂修志乘與
有勞焉將竟而歿年八十有五注有四書便解待梓以上

高安縣志

卷之十四

宦績

七十

吳志